



IKUGAFONO

**FONO FAKAMUA
7 – 9 Mati 2023
ATAFU**

	MATAKUPU	PAHINA
1.	Tofiaga o te Takitakifono ma te Hui Takitakifono o te Fono Fakamua 2023	3
2.	Tufatufaga o na Tofi Minihita	3 – 4
3.	Iloiloga o te Paketi Tupe 2022/2023	4 – 7
4.	Fakatupega mo te Aoga i Matiti	8
5.	Lipoti o na Galuega Fakaauau a te Malo	8
6.	Lipoti Takitauhaga mai te Teuga Tupe Fakavaomalo a Tokelau i te aho 30 Iuni 2023	8
7.	Huiga ki na Tulafono Tupe	8 – 9
8.	Huiga ki ni Tulafono puna mai na Huiga ki na Tulafono Tupe	9
9.	Lipoti mai ni Fakatalanoaga na Fakatonugia e te Fono Fakamua	9 – 10
10.	Komihi o te Tuhiga Igoa a Tokelau	10
11.	Toe Totogi ki Tua o na Fenua Lihi	10 – 11
12.	Iloiloga o na Alauni o na Fanau Hikolahipi Lihi o Latou na Auai ki te Fono	11 12
	<i>Pepa Fakapipiki</i>	
	Lipoti o na Galuega Fakaauau a te Malo	13 – 52
	Iloiloga o na Alauni mo te Hikimi Hikolahipi	53 - 54

1. Tofiaga o te Takitakifono ma te Hui Takitakifono o te Fono Fakamua 2023

I te filifiliga a te Taupulega o Atafu, na **tofia** e te Fono Fakamua ia:

- i) Teleloma Paulo ki te tofi Takitakifono; ma
- ii) Tevaka Tanu Filo ki te tofi Hui Takitakifono.

2. Tufatufaga o na Tofi Minihita

Ko te Fono Fakamua na **matau**:

- i. na popolega o te kaufono a Atafu ki te tofi Minihita ote Ola Malolo ona e foliga mai ko heki nofo tonu na matakupu nae iei tau ki te kaufaigaluega a te Mataeke ma te kaufaigaluega o te falemai i Nukunonu;
- ii. e tuku atu e te Malo Fakaauau ki na Taupulega he pepa fakamatalaga agai ki te matakupu taukave ki te kaufaigaluega a te Mataeke o te Ola Malolo ma te kaufaigaluega a te Falemai Hagota Iohefo i Nukunonu.
- iii. ko te fakahoa a te Malo Fakaauau na taki i na tukutukuga i lalo o te Tulafono Fakavae ki na vaega e tatau ke kikila totoka kiei te Malo Fakaauau i tana fakahoaga o na tofi minihita; ma
- iv. kua tukufakatahi na tulagatofi faka-minihita mo te Mataeke o Femalagaakiga ma Tautuaga Lagolago ke atafia ai te fauhaga e iei ai nei te tautuaga – he mataeke e fokotahi - ma e toe ahia te tulaga tenei i te agai atu ki te fakaikuga o te nofoakiga mo te tolu (3) tauhaga e fakahavali nei

Ko te Fono Fakamua na **pahia aloakia**:

- i) te tufatufaga o na tofi minihita ki na hui takitahi i loto o te Malo Fakaauau venei:

Hui	Tautuaga
Faipule Kelihiano Kalolo	Akoakoga Huiga ki te Tau
Ulu o Tokelau	i) Minihita o te Ofiha o te Malo Fakaauau (e aofia ai ia Fakamahinoga, Fakalapotopotoga i na Nuku & Va ki Fafo) ii) Minihita o te Kaufaigaluega Tautua i te Atunuku
Faipule Esera Fofo Tuisano	Malohiaga Femalagaakiga & Tautuaga Lagolago
Faipule Alapati Tavite	Ola Malolo Tupe
Pulenuku Nofo Iupati	Tamaokaiga, Lihohi Fakatenatula & Hikohikomaga
Pulenuku O'tinielu Tuumuli	Fagotaga
Pulenuku Petelo Patelesio	Fehokotakiga

3. Iloiloga o te Paketi Tupe 2022/2023

Ko te Fono Fakamua na:

- i) **malilie** ki na toe teuteuga i lalo e ve ona fautuagia e te Komiti Tupe:
 - a) *He vaega e fakaopoopo ki te tupe maua mai na Lafoga i he \$150,000* ona ko te hikitaga ki te Fakavae mo te Fakatulagaga o na Totogi
 - b) *He vaega e tipi mai te paketi a te Matagaluega o Fagotaga e \$100,000.* Kafai e iei ni hikitaga ki ni femalagakiga e feagai mo ni fonotaga ma te FFA pe ko te PNA i na mahina e 5 e totoe ko te vaega tupe e fakaheai e he afaina lahi ai na femalagakiga.

- c) *He vaega e tipi mai te paketi a te Ola Malolo ki te aofaki e \$25,000.* E fatu te vaega tenei ki na fakafanogatupe a te mataeke e iei nei, e feolo he tau na tutupu mai te hikimi hiki tauale ma te tupe feolo mai na fakatupega mai fafo mo ni tau mo te Koviti.
- d) *He vaega e tipi mai te paketi a te Ofiha o te Komihina o te Kaufaigaluega Tautua e \$35,000* fatu ki na fakafanoga tupe e iei nei.
- e) *He vaega ke fakaopoopo ki te paketi mo te Hikimi Hiki Tauale i te aofaki e \$1,000,000* ke fehoahoani ki na tau fakaauau mahani. Ko te paketi tupe na pahia taluai kua lahi atu te fakafano i he \$545,000 i te 6 mahina ona ko ni fefaiakiga o te fakafoki mai o tatou tagata na mafua ai ni tau.
- f) *He vaega e tipi mai te paketi mo te Hikimi Hikolahipi ki te aofaki e \$325,000* fatu ki te tulaga o te fakafanoga tupe nei ma he matauga ko te paleni o te tauhaga tupe he afa tauhaga oioti o te tauhaga aoga. E he tatau ai kitea he fakapopolega ki te fakaauauga o te fakatupega mo te paleni o te tauhaga aoga.
- g) *He vaega e fakaopoopo ki te paketi o te Atiakega o na Galuega Lalahi a Fakaofo ki te aofaki \$34,000* ke fakahako ai te paleni na taukave ma i te tauhaga tupe kua teka.
- h) *He vaega e tipi mai te paketi o na Atiakega Lalahi a te Atunuku ki he aofaki e \$399,000* ke mafai ai fakapaleni te tau paku ma te tau fakaopoopo o na tupe maua.
- ii) **matau** te fakatu o te paketi katoa i na teuteuga i te pepa fakaopoopo;

- iii) **fakatonu** te Fakatonu o te Tamaokaiga, Koa
Fakatenatula ma te Hikohikomaga ke galulue fakatahi
ma te Fakatonu o te Tupe ki te pulepulega o tana paketi
ma tamau ki te levolo na fakataga ai

E tuha ai ma ietahi matakupu i te polokalame fono e iei ni
afainaga tau tupe:

- iv) **Tupe fakaopoopo mo Matiti:** Na **matau** e te Fono
Fakamua ko na fakatupega uma o na aoga kua i loto o
na vaega o na paketi na fakahoa ki na Nuku ma e he toe
fautuagia ni fakatupega fou;
- v) **Fakatupega mo na hiakiga i Samoa mo te ulufale ki Tokelau:** Na **matau** e te Fono Fakamua e lava te tupe
tativa mai te paketi \$300k na fakahoa mo te Koviti – 19
mo na puipuiga ke fakaauau ai te totogiga o na hiakiga
ki te fakaikuga o te tauhaga tupe e iei nei.

PEPA FAKAOPPOPO

Vaega	Paketi e iei	Ove o te tauhaga kua teka	Teuteuga i te Iloiloga	Paketi Fou
Tupe Tauhi	12,500,000	-	0	12,500,000
Fakatupega Patino Funding	50,000	-	0	50,000
Tupe Maua mai Fagotaga	19,000,000	-	0	19,000,000
Lafoga	1,700,000	-	150,000	1,850,000
Pahehe Vaka	350,000	-	0	350,000
Pahehe Uta	625,000	-	0	625,000
Tiute	1,600,000	-	0	1,600,000
Tupe maua b/f from p/y (Tupe mahani)	500,000	-	0	500,000
Revenue b/f from p/y (Atiakega)	2,500,000	-	0	2,500,000
Tupe maua mai fakatauakiga	250,000	-	0	250,000
AOFAKI TUPE MAUA	39,075,000	0	150,000	39,225,000
Atafu	4,230,249		0	4,230,249
Fakafo	4,291,937		0	4,291,937
Nukunonu	4,177,814		0	4,177,814
Huiga ki te Tau	500,000			500,000
Tamaokaiga	1,100,000	-313,143	0	786,857
Aoga	1,200,000	-94,155	0	1,105,845
Malohiaga	380,000	-7,059	0	372,941
Tupe	1,050,000		0	1,050,000
Fagotaga	1,150,000		-100,000	1,050,000
Ola Malolo	1,250,000	-42,414	-25,000	1,182,586
Ofiha Malo Fakaauau	1,750,000			1,750,000
Ofiha o te Komihi Kaufaigaluega	300,000		-35,000	265,000
Tautuaga Lagolago	850,000	-48,297	0	801,703
Femalagakiga	5,000,000		0	5,000,000
AOFAKI TAU MAHANI	27,230,000	-505,068	-160,000	26,564,932
Huketuhu	150,000		0	150,000
Penihione	1,400,000		0	1,400,000
Hikimi Hiki Tauale	900,000		1,000,000	1,900,000
Hikimi Hikolahipi	1,350,000		-325,000	1,025,000
Ietahi Totogiga Tupe	645,000		0	645,000
Ova o te Tauhaga kua teka (ke paleni)		505,068	0	505,068
AOFAKI TOTOGIGA TUPE A TE MALO	4,445,000	505,068	675,000	5,625,068
Galuega lalahi Atafu	700,000		0	700,000
Galuega lalahi Fakafo	950,000		34,000	984,000
Galuega lalahi Nukunonu	850,000		0	850,000
Galuega lalahi Atunuku	4,900,000		-399,000	4,501,000
AOFAKI GALUEGA LALAH	7,400,000	0	-365,000	7,035,000
AOFAKI FAKAFANOGATUPE	39,075,000	0	150,000	39,225,000
OVA / HEFE	0	0	0	0

4. Fakatupega Fakaopoopo mo te Akoga a Matiti

Ko te Fono Fakamua na:

i. **matau**

- a. te pepa;
- b. te folahaga a te matua Fakatonu o Akoakoga e fakamaonia mai e te mataeke e tātutuha na aoga e tolu i te tulaga e gafa ai te mataeke ma te totogiga o na faiaoga mo te NCEA, USP ma te *Eastern Institiue of Technology*.

ii. **malilie**

- a. ki te fautuaga mai te Komiti Tupe ko na fakatupega uma o na aoga kua i loto o na vaega o na paketi na fakahoa ki na Nuku ma e he toe fautuagia ni fakatupega fou.

5. Lipoti o na Galuega Fakaauau a te Malo

Ko te Fono Fakamua na:

- i) **matau** ma **talia** te Lipoti o Galuega Fakaauaua e te Malo Fakaauau.

*[E fakapipiki atu i te **pepa fakapipiki 1**]*

6. Lipoti Takitauhaga mai te Teuga Tupe Fakavaomalo a Tokelau i te aho 30 Iuni 2022

Ko te Fono Fakamua na:

- i) **matau** te pepa ma na fakamatalaga kua tuku mai ai.

7. Huiga ki na Tulafono Tupe

Ko te Fono Fakamua na:

- i) **matau**

- a. na huiga ki te tulafono kua tuku mai mo te tolu o faitauga

Ko te Fono Fakamua na:

i) **malilie**

- a. ke toe tuku ko he avanoa mo te Mataeke o te Tupe ma te Taupulega a Nukunonu ona e heki oko na talanoaga na peleni ki ei

8. Huiga ki ni Tulafono puna mai na Huiga ki na Tulafono Tupe

Ko te Fono Fakamua na:

i) **matau**

- a. na huiga ki na Tulafono kua tuku mai mo te tolu o faiatuga.

Ko te Fono Fakamua na:

i) **malilie**

- a. ke toe tuku tahi he avanoa kite Taupulega a Atafu ma te Mataeke o te Tupe ke talanoa ini vaega e fia maina atili ai.

9. Lipoti mai ni Fakatalanoaga na Fakatonugia e te Fono Fakamua

Ko te Fono Fakamua na:

i) **matau**

- a. na fakatalanoa na matakupu ienei ma na Taupulega a Fakaofa ma Atafu kae heki oko ni talanoaga ma te Taupulega a Nukunonu:

- Metotia e vaevae ai te Paketi
- Fakavahegaga o na Galuega e tau kina tau
- Tiute ki Tua (Duty Draw Back)
- Pulepulega ona Paaka

Ko te Fono Fakamua na:

i) **malilie**

- a. ke talanoa haele te Fono Fakamua agai kite matakupu kite Metotia e vaevae ai te Paketi

10. Komihi o te Tuhiga Igoa a Tokelau

Ko te Fono Fakamua na:

i) **matau**

- a. te pepa ma te matakupu na tuku mai ai
- b. te folahaga a te Ofiha mo Fakamaumauga Fakafuainumela na tuku mai ai na vaega ienei:
 - i. te kehekehega o na galuega o te Tuhiga Igoa ma na galuega mo te Faitauga o te Aofaki o Tagata kae e tutuha na taki e fakavahega ai na tino e mahani nonofo i Tokelau;
 - ii. na taki mo te Tuhiga Igoa ma te Faitauga o te Aofaki o Tagata.
- c. e manakomia ke fakanatinati te matakupu ona e afaina ai te numela ona hui Fono Fakamua a Nukunonu kafai e hako na fakatalaga.

Ko te Fono Fakamua na:

i) **malilie**

- a. ke toe tuku te matakupu ke toe matau e na Taupulega; ma
- b. ke tuku te matakupu kite Malo Fakaauau mo te fakatelega.

11. Toe Totogi ki Tua o na Fenua Lihi

Ko te Fono Fakamua na:

i) **matau**

- a. te pepa ma te matakupu;
- b. kua fakatino te tonu tenei a te Fono Fakamua e Atafu mo he 7 tauhaga

Ko te Fono Fakamua na:

i) **malilie**

- a. ke tuku te matakupu kite Mataeke ote Tupe ke tapena
he fautuaga kite Fono Fakamua mo te Tauhaga Tupe
2023/2024

12. Iloiloga o na Alauni o na Fanau Hikolahipि

Ko te Fono Fakamua na:

i) **matau**

- a. te pepa ma te matakupu kua tuku mai ai

Ko te Fono Fakamua na:

i) **malilie**

- a. ki te hikitaga e tuha ai ma te iloiloga auiliili na fakatino
e te Mataeke o Akoakoga e ve ona fakapipiki atu i te
pepa fakapipiki 2; ma
b. ke kamata te hikitaga tenei ite toe totogi ki tua kia
Ianuali 2023 .

Fakamaonia e:

Teloloma Paulo
Takitakifono

Tevaka Tanu Filo
Hui Takitakifono

09/03 / 2023

Aho

09/03/2023

Aho

Hui Mamalu o te Fono Fakamua		
Atafu	Fakafo	Nukumonu
<p>1. Ulu o Tokelau, Faipule Kelihiano Kalolo</p> <p>2. Pulenuku Nofo Iupati</p> <p>3. Lepaio Lua, Hui o te Taupulega</p> <p>4. Tiu Kakaia Fao, Hui o te Taupulega</p> <p>5. Tulano Toloa, Hui o te Taupulega</p> <p>6. Tepapa Tom Toma, Hui o Taulelea</p> <p>7. Latu Kuresa, Hui o Fafine</p>	<p>1. Faipule Esera Fofo Tuisano</p> <p>2. Pulenuku O'tinielu Tuumuli</p> <p>3. Kaio Isaako, Hui o te Taupulega</p> <p>4. Afega Gauafofa, Hui o te Taupulega</p> <p>5. Puka Solomona, Hui o te Taupulega</p> <p>6. Faamatala Sili, Hui o Taulelea</p> <p>7. Feagai Neemia Penche, Hui o Fafine</p>	<p>1. Faipule Alapati Tavile</p> <p>2. Pulenuku Petelo Patelesio</p> <p>3. Salesio Lui, Hui o te Taupulega</p> <p>4. Falaniko Aloisio, Hui o te Taupulega</p> <p>5. Save Tumua, Hui o Taulelea</p> <p>6. Lupe Josephine Lui, Hui o Fafine</p>
Hauatea		
Elia Mamoe Filo Filo	Kahimilo Niko Lameko Jasona	Joane Tumua Sio Pakome
Ulu Fakatolu o Tokelau		
Don Higgins		
Takitaki Fono & Hui Takitaki Fono		
Teleloma Paulo		
Tevaka Tanu Filo		
Kaafaigaluega Tautua		
<u>Ofiha o te Taupulega, Atafu</u> Mika Kalolo, Fakatolu Hannah Amusia Hakai	<u>Ofiha o te Taupulega, Fakafo</u> Hina Kele, Fakahoa Peta Gasologa Tavita Pue	<u>Ofiha o te Taupulega, Nukunonu</u> Asi Pasilio, Pule Fakahoa Sefo Leo
<u>Huiga ki te Tau</u> Paula Faiva, Fakatolu	<u>Mataeke o te Ola Malolo (Neti)</u> Sene Kerisiano, Hui Fakatolu	<u>Ofiha o te Malo Fakaauau</u> Tino Vitale, Pule Fakahoa Atunuku Margaret Sapolu (Neti) Kele Lui (Neti) Ake Puka-Mauga (Neti)
	<u>Mataeke o Akoga (Neti)</u> Elaine Lamela, Fakatolu	<u>Mataeke o Malohiaga</u> Alfred Kaukinayau, Fakatolu_
	<u>Mataeke o Tamaokiga (EDNRE)</u> Mika Perez, Fakatolu	<u>Mataeke o te Tupe (Neti)</u> Rosita Mauai, Fakatolu Alan Shaw
	<u>Mataeke o Femalagaakiga & Tautuaga Lagolago (Neti)</u> Simona Mei, Fakatolu	



PEPA FAKAPIPIKI 1



LIPOTI O GALUEGA FAKAAUUAU A TE MALO

FONO FAKAMUA

6 Mati 2023

Atafu

MATAKUPU I LOTO	
	Fakatomuaga
I.	<p>Ikugafono o Oketop 2022 – Fepualи 2023;</p> <ul style="list-style-type: none"> • 14 Oketopa • 30 Novema • 09 Tehema • 20 Tehema • 22 Ianuali • 13 Fepualи

FAKATOMUAGA

E tuha ai ma te Vaega 6(7) o te Tulafono Fakavae a Tokelau e manakomia te Malo Fakaauau ke lipoti ki te Taupulega ma te Fono Fakamua ana fakatinoga ki na galuega e fakatino ai te pule a te Fono Fakamua.

I he tautali ki te famai peehi ko te Koviti19 (*COVID19*), na fakatu ai e te Fono Fakamua o Mati 2020 te Komiti a te Atunuku mo te Fefaiakiga o na Famai Peehi (*National Executive Board for Disease Control*). Ko latou i loto o te Komiti Tenei ko na hui o te Malo Fakaauau.

I te agaigai lava o te famai ki te lototonuga o faigātonu a na malo o te lalolagi, na vena foki lava o na faifaigata ke fakavahega kehe na matakupu patino ki te famai mai na matakupu mo na galuega mahani.

I he tulaga venei, na faigofie ai ona lipoti ma tauologologo na Taupulega mai na fonotaga e tuha ai ko na galuega a te Fono Fakamua e fakaauau e te Malo ma te tulaga kua iei ai te tautali a Tokelau ki te famai.

E fakaauau pea te tukuatuga o na Lipoti ki te Taupulega kui atu i na Ofiha o te Taupulega i loto o he lima (5) aho ka maea te fonotaga e ve ona fakatonugia ai e te Tulafono Fakavae.

Ko te kautu o te lipoti tenei e fakailoa atu ai ki te Fono Fakamua na ikugafono ate malo na fai e te Malo Fakaauau i te taimi e hē nofoia ai te Fono Fakamua. Ko te lipoti tenei e o mo te pilioita taluga i tana lipoti ki te Fono Fakamua o Oketopa 2022.

Ofiha o te Malo Fakaauau o Tokelau

I. IKUGAFONO, NOVEMA 2022 – FEPUALI 2023

A. 14 Oketopa 2022

1. TAPENAGA MO TE FONO FAKAMUA E LOMA NEI

I he kikilaga ki na pepa mai na tautuaga i te Atunuku kua tapena mo te Fono Fakamua e loma nei, ko te Malo Fakaauau na **malilie** ke tuku atu na pepa kua takua i lalo mo te Fono Fakamua:

- i) Lipoti o Galuega Fakaauau a te Malo
- ii) Fakaataataga o na Tulafono mo te Kaufaigaluega Tautua 2022;
- iii) Huiga ki na Tulafono Tupe 2022;
- iv) Huiga ki na Tulafono Kamupani o Meatotino a te Malo o Tokelau ma na Tulafono mo Faletupe;
- v) Tulafono Faigapalota Atunuku a Tokelau 2022;
- vi) Lipoti a te Komiti Alauni;
- vii) Iloiloga mo te Tau o te Malo: Tulaga kua iei ai te galuega ia Oketopa 2022;
- viii) Huiga ki te Fauhaga mo te Fakatulagaga o na Totogi;
- ix) Auala e Vaevae ai te Paketi;
- x) Tulaga kua iei ai na Hukegatuhi;
- xi) Atili Fakamakeke na Tautuaga tau Leoleo;
- xii) Tulaga kua iei te galuega mo te Iloiloga o na Fakamanuiaga o te Taupulega, Uhufono Fakamua & Komehina o te Tulafono;
- xiii) Peleni Tauhaga 2022/2023 Ola Malolo;
- xiv) Komihio te Gagana: Fehoahoaniga mai Niuhila; ma
- xv) Polokalame mo te Fakaleleiga o na Tautuaga ma na Hihitemi Tau te Ola Malolo.

Ma, na **talia** foki e te Malo Fakaauau ke tuku atu ki te Fono Fakamua i he taimi vave te pepa kua takua i lalo ka maea na talanoaga ma te Taupulega o Atafu:

- i) Fakaataataga o na Tulafono mo Puipuiga mai te Koviti19.

2. IETAHI MATAKUPU

2.1 *Lipoti a te Ulufakatonu ki te Fono Fakamua*

Na fakaaoga te avanoa e te Ulufatonu o Tokelau ke fakailoa ki te Malo Fakaauau kua tuku atu hana lipoti mo te Fono Fakamua ki te tulaga e iei ai nei na polokalame kua fakahavali fakatahi ai ma ni polokalame kua peleni kiei. I hana tuku mai, ko he tala fiafia i te lipoti kua pahia e te Komiti Fakafoe mo te Fakatupega mo Huiga ki te Tau ke fakatupe ni fale laveaki e fa (4) i Tokelau. E galulue nei te kaufaigaluega ki te tapenaga o he pepa ki te Kapineta a Niuhila mo hana fakatagaga ma ko te fakamoemoe e maua he tonu ia Novema 2022.

Na **matau** ma te agaga fakafetai e te Malo Fakaauau.

3. FONO KA HOHOKO

Fono ka hohoko e nofoia i Nukunonu ka ko heki nofoia te Fono Fakamua kua peleni ke kamata i te aho 31 Oketopa pe ko he taimi i mua mai kafai e manakomia mo he matakupu fakafuaheki.

B. 11 Novema 2022

Ona ko na fakamatalaga e afia e patino ki ni tino ma i he fakaaloaloga ke malupuipuia na fakamatalaga e patino ki ni tino tautokatahi e afia i te matakupu, mo te lipoti lava tenei, ko na fakamaumauga mo te fonotaga tenei na teuteu venei (i) kavekehe ni vaega e takua ai he igoa o he tino e afia i te matakupu; ma (ii) kavekehe na pepa fakamatalaga fakaopoopo e takua i te ikugafono.

1. FONOTAGA FAKAFUAHEKI: FAAILOA KIMBERLY RIMONI

I te kua matau ki he fakafitauli na tutupu i Atafu e afia ai he fanau e 4½ tauhaga te matua, na nofoia ai he fonotaga fakafuaheki a te Malo Fakaauau ke kikila pe heā he auala pito hili o na lelei ke mautinoa ai te ola malolo ma he olaga ola fiafia o te fanau.

Kua tatala te fonotaga, na fakailoa ai e te Ulu o Tokelau, Takitakifono o te Malo Fakaauau te fetā o ona tiute fakatemalo ma te kaiga ona ko ia e kaiga tafapili lele ki te matua o te tamana o te pepe. Ko te matua tenei ko ia te nae gafa ma te tauhiga o te pepe e afia ke pa mai nei. I te kua fakailoa te vaega tenei, na hakili ai he maliliega ma te Malo Fakaauau ke fakaheke ko te takitakiga o te fonotaga fakafuaheki tenei kia Faipule Kelihiano Kalolo, Faipule o Atafu.

Na **malilie** te Malo Fakaauau.

I te kua talia ke takitakia te fonotaga, na toe fakaleo e Faipule Kalolo ko te kautu o te fonotaga ko te ola malolo ma he olaga fiafia o te fanau i he taimi vave. He popolega foki ke mautinoa e tumau te fealofani o na nuku.

Ma, na kotokoto e Faipule Kalolo te fakatu e ve ona fakapipiki atu i te *pepa fakaopoopo 1* ma tukua tu ai ki na loia ke fakamatala auiliili ma tuku atu foki ki te Pule Fakahoa Atunuku mo he fakamatalaga pukupuku ki te talaaga o te matakupu ona ko ni fekehekehega i luga o he fenua e mahani lava gafa ma te Taupulega. Pe na vehea ona afia te Malo Fakaauau te matakupu tenei.

I ni talanoaga lautele, ko te Malo Fakaauau na:

- i) **matau** te pepa ma na fakamatalaga i loto e ve ona fakapipiki atu i te *pepa fakaopoopo 1*;
- ii) **fakaleo** te agaga fakafetai i te kua ie he mainaga ki te mafuaga ot e matakupu ma te lakahaga kua fautuagia;
- iii) **lototahi** te taua o te aganuku, tu ma aga i te hakiliga o he fofo e fakamuamua ai te ola malolo ma te olaga ola fiafia o te fanau kae tumai ai pea foki te fealofani o na nuku; ma
- iv) **malilie** ki na vaega ienei:
 - a. ke kave he apalai i he taimi vave ki te Fakamahinoga Maualuga a Tokelau mo he fakatonuga ke kavea te fanau kua 4½ tauhaga te matua ma Tiute (*Ward*) o te Fakamahinoga Maualuga a Tokelau;
 - b. ke fakailoa i te apalai ki te Fakamahinoga Maualuga a Tokelau ke gafa ia Faipule Kalolo ma te fakatatiaga ona tonu mo te tauhiga ma te kikilaga o [fanau e afia]; ma

- c. ke tuku atu he fakatagaga kia Ms Jennifer Wademan ke galue fakaloia i Tokelau ma i loo o he Fakamahinoga a Tokelau kautu mo te tautuaga ki te Malo Fakaauau o Tokelau ke maua he fakatonuga a te Fakamahinoga Maualuga a Tokelau agai ki [te fanau e afia].
-
-

C. 30 Novema 2022

1. KOVITI-19 FAUTUAGA

I he kikilaga ki te tulaga o te famai ma he fautuaga mai te Komiti Faufautua, ko te Malo Fakaauau i te tofi Komiti Fakapitoa mo te Koviti -19:

i) **matau** te pepa ma na fakamatalaga i loto e ve ona fakapipiki atu i te **pepa fakaopoopo 1**;

ii) **malilie** ki na teuteuga ienei mo na puipuiga:

a. **Mo na pahehe e hiaki i te PCR kae maua i te Koviti-19 (48 itula kae ko heki malaga mai ki Tokelau)**

Ko te puipuiga e manakomia ni hiakiga vave e 3 taki 7 aho e va ai ma e kilia (aofaki o na aho e 21) ke hui ki he **2** hiakiga vave e kilia taki 7 aho e va ai (aofaki **14 aho**). Ma te hiakiga vave o te 24 itula i mua ko heki teka mai te vaka.

Kafai kua ova i te 28 aho ko heki toe maua he avanoa ki Tokelau e toe fai te PCR mahani o te 48 itula, ma te hiakiga vave o te 24 itula ko heki teka mai te vaka.

b. **Na aho fakanonofo kehe o na pahehe e malaga mai i Apia ma na kuvaka o na Vaka lanihi**

Ke fakataikole mai te 10 aho e iei nei ki te **7 aho** e fakanonofo kehe ai na pahehe mai Apia ma na auvaka o te Lanihi. E lua ia hiakiga vave e fakatino i te aho muamua ma te aho 6 ke kilia fatoa mafai teka ki te kaiga; ma

I he matauga kua fakaheai na puipuiga mo te ulufale ki Samoa ma e kona tau mo te tauhihia ona puipuiga mo te ulufale ki Tokelau e lahi apati ki luga o na lihohi a te malo vena ma na nuku; kae tālia te iloiloga o na puipuiga ki te alavaka:

iii) **malilie** ke tatia ki te onoonoga a te kauafua lava ia te fakataga o latou tagata e malaga ki fafo ke taki ki na vaega ienei:

- Hikimi Tauale Hikitia;
- Fanau e nofo akoga i fafo;
- Hakiliga malohi kui tua e fakamaonia kua iei he avanoa ke togafitia ai i fafo;
- Tagata faigaluega a te Malo ma na Nuku mo ni fonotaga tatau
- Ni mafuaga tatau tau ki te hoifua malolo

iv) **malilie** ke fakaaloakia na teuteuga kua takua i luga kamata atu i te aho nei [30 Novema 2022].

v) **toe fakamanatu** na vaega i lalo ma **fakatonu** te Komiti Faufautua ke fakamautinoa e tauhihia:

- Ko ai te mafai malaga atu ki Tokelau**

- Hakiliga malohi i lalo o te Hikimi Tauale ma o latou kaiga kua kiliae te Ola Malolo kua katoa na togafitiga;
 - Tagata nofo mau i Tokelau na fai malaga ka ko heki tapunia te alavaka ma na haitia i fafo ona ko na puipuiga mo te Koviti19 ma e heki maua he avanoa ke toe foki mai ai i te toe fakafoki muamua i te 2020;
 - Tagata faigaluega fakapitoa taua e afia ai te unumua mo te Koviti-19 ma kua iei he fakatagaga a te Komiti Fakapitoa mo te Koviti i lalo o na vagana;
 - Fanau nofo akoga i fafo (i lalo o te Hikimi Hikolahipi pe kui tua) e tukua mai;
 - Tagata nuku kua nofo mau i fafo kae ka foki ifo ke nofo i Tokelau mo he mataloa e hē i lalo ifo o te 6 mahina
 - Tagata nofo mau i Tokelau na fai malaga ki fafo i te taimi o na hā i te alavaka mo he mafuaga tatau i te onoonoga a te nuku lava ia.
- vi) **matau** e fakaauau na iloiloga ki te mafai totogi katoa e latou e malaga kui tua na tau o na hiakiga ma te fakanofokehea i na kauafua, vena ma na malaga o te vaifenua ma e toe lipoti mai; ma
- vii) **matau** te kotokotoga o na puipuiga mo te ulufale ki Tokelau e ve ona fakapipiki atu i te ***pepa fakaopoopo 2.***

2. OFIHA FAKAULUULUGA MO FAIGAPALOTA A TOKELAU MA NA OFIHA I TE NUKU MO TE FAIGAPALOTA

I he matauga o na vaega e manakomia i lalo te Tulafono mo Faigapalota Atunukua Tokelau 2022, ko te Malo Fakaauau na:

- i) **matau** na tiute ma na galuega a te Ofiha Fakauluuluga mo Faigāpalota a Tokelau ma na Ofiha i te Nuku mo te Faigapalota e ve ona takua i na tulafono takua i luga ma kua fakapipiki atu i te ***pepa fakaopoopo 3;***
- ii) **tofia** ia Kele Lui ki te Ofiha Fakauluuluga mo Faigapalota a Tokelau mo te faigapalota lautele 2023;
- iii) **malilie** ke tatia ki na Taupulega, i he fehoahoaniga mai na Ofiha o te Taupulega ma te Ofiha Fakauluuluga mo Faigapalota a Tokelau ke filifili ni hui mo te tofiaga a te Ofiha Fakauluuluga mo Faigapalota a Tokelau ke taukave na tiute o na Ofiha i te Nuku mo te Faigapalota mo te Faigapalota Lautele 2023.

3. AHO MO TE FAIGAPALOTA

I he kikilaga ki te fakatu, ko te Malo Fakaauau na:

- i) **matau:**
 - a. e manakomia i lalo o na Tulafono Faigapalota Atunuku a Tokelau 2022 kafai e hē nofoia te Fono Fakamua, ke fakamautu ma fakailoa lautele e te Malo Fakaauau i he fakatalanoaga o na Taupulega, te aho e fakatino ai te faigapalota; ma
 - b. e iei te pepa i te taimi nei i luga o te laulau fono a na Taupulega e fautua ai te aho 26 Ianuali 2023 ma e tālia nei he tautali mai na Taupulega.

- ii) **malilie**, pe vehea he tali mai na Taupulega, ke fakataunuku na Faigapalota Atunukua Tokelau i te Aho Tofi, aho 26 Ianuali 2023; ma
- iii) **lagolago** ke fakatalanoa e na hui o te Malo Fakaauau te matakupu tenei ma te aho kua fakatatia ki na Taupulega.

4. LIPOTI MAI TE TEUGA TUPE FAKAVAOMALO MO TE KUATA KI TE AHO 30 HETEMA 2023

Ko te Malo Fakaauau na:

- i) **matau** kua tuku mai te lipoti; ma
- ii) **malilie** ke tolo te fakatalanoaga ki te fonotaga ka hohoko kae ke auai mai ai te Faufautua Tupe, ko ia foki te Teutupe a te Komiti Fakafoe, ke fakamalamalama te lipoti ma tautali ki ni fakafehili e ono iei.

5. IKUGAFONO A TE FONO FAKAMUA: GALUEGA E PUNA MAI AI

Ko te Malo Fakaauau na:

- i) **matau** te tulaga kua pa kiei te fakataunukuga ona ikugafono o Me ma Iulai 2022 ma na fakaopoopoga puna mai i na ikugafono o te Fono Fakamua o Novema e ve ona fakapipiki atu i te **pepa fakaopoopo 4**;
- ii) **malilie** ke ologatahi te polokalame galue a te Malo Fakaauau mo nei ma te fakataunukuga o na ikugafono a te Fono Fakamua kae mautinoa ai he lipoti ki te Fono Fakamua ki te tulaga pa kiei na fakatinoga; ma
- iii) **fakamalohia** ma **fakamakeke** ki te Kaufaigaluega Hinia ke tuku atu ni lipoti ki te tulaga kua pa kiei te fakataunukuga o na ikugafono.

6. NI ETAHI MATAKUPU

6.1 Fehoahoaniga tau heleni ki ni kaiga nae fakatalitali i Apia mo te toe fakafoki

Na fakaaoga te avanoa e te Minihita o Femalagaakiga ma Malohiaga, ko ia foki te Faipule o Fakafo ke fakahula ni popolega mai he kaiga nae i lalo o te Hikimi Tauale. Ko te popolega ona nae heai he fehoahoaniga tau heleni nae maua i Apia ke ola ai kae fakatalitali ki te toe fakafoki.

I he tautali a te Ulu o Tokelau, ke talohaga ko ki te Fakahoa o te Ofiha o te Taupulega, Fakafo ke tuku mai ni fakamatлага tuhituhia ki te Pule Fakahoa Atunuku kae manino ma katoatoa ai he tautali ki te talohaga.

Na **malilie** te Malo Fakaauau ki te auala ki mua mo te matakupu tenei.

7. **FONOTAGA KA HOHOKO**

Malilie ke fakailoa he aho o te vaiaho fou ke toe nofoia ai he fonotaga.

Huiga ki na puipuiga o te Koviti - 19

Kautu

Ke tuku atu ki toulua mamalu ni fautuaga e toe falite ai na puipuiga o te Koviti-19 i Tokelau ma Apia, kae maihe ke toe fakamamanatu ke fakamalohia na aiaiga o te fakatagaga i lalo o na vagana o te fakafoki ki Tokelau:

- i. Na aho fakanofokehe i luga o na kauafua;
- ii. Na aho hiaki o latou e fakamaonia i Hamoa kua maua i te Koviti-19;
- iii. Na aiaiga o na fakatagaga o te fakafoki ifo; ma
- iv. Na aiaiga o na fakatagaga o te malaga ki fafo o Tokelau.

Talaaga

Ko te alavaka o Tokelau na tapuni i a Apelila 2020. Kae e iei te mafai na fakaheke ki te Komiti Aoao o te Koviti -19 ke fakataga ai ni vagana mo ni mafuaga tatau mo te agai ki mua o te tautali a Tokelau ki te Koviti-19.

E matau kua iei na huiga ki na uiga o te famai, na fakamatalaga fakahaienihi fou, ma na iloa fou mai na lehona o te tautali mahani ki te Koviti-19. Kua toe teuteu ai na puipuiga a te tokalahiga o na fenua o te lalolagi. Kae maihe na fenua lata mai i te Pahefika kua fakamatalatala a latou puipuiga.

Ko na fuainumela o latou e maua e mooni e maualuga kae kua iei na muna e atafaia ai ke he fakatumutumu ai na falemai pe tokalahi ai ni ola e maumau.

Tulaga o te famai I Apia

E matau ki o tatou tagata e malaga mai ki Tokelau e iei lava te vaega e maua pea i te Koviti-19 i na hiakiga. Kae e patipatia te malu puipuia pea o Tokealau mai na fakatinoga o na galuega i te unu mua, na Mataeke ma na Nuku ke puipui ai pea ia Tokelau e heki afea e te Koviti-19. Fakamalo ma e vikia ai pea te Aliki.

Fakatu ke toe teuteu na puipuiga a Tokelau

Mai loto o ienei mainaga ki te famai ma ona itukaiga ma na uiga, ma kua fuafua tatau e te Ola Malolo ki na faiga mahani e fakamakeke ai pea na pupuni gutu/ihu, fafano na lima, holo na koga nae tago ki ei na tino e maua i te hiama, fakatahi ai ma te tokalahi o tatou i luga o Tokelau kua tui kua tatau ai ia Tokelau toe falite ana puipuiga.

I te taimi tenei ko heki iei he tino e mahalogia pe kua mautinoa e maua i te koviti-19 i luga o Tokelau ma e fakaaaua pea na puipuiga mahani e veia ona fakatatia ai na taki. Ma e fai ma Iloilo fua ki te malamalamava fou mai na fautuaga a te Ola Malolo. E fakatu atu ai na toe teuteuga o na puipuiga a Tokelau e venei:

- i. **Mo na pahehe e hiaki i te PCR kae maua i te Koviti-19 (48 itula kae ko heki malaga mai ki Tokelau)**

Fakataikole na aho e 21 e veia ona iei (ma na hiaiga vave (RAT) hohoko e 3 i te taki 7 aho ke kilia), ki te **14 aho**. Ko tona uiga a 2 ia hiakiga vave (RAT) hohoko e manakomia ke kilia. Ma te hiakiga vave o te 24 itula i mua ko heki teka mai te

vaka. Kafai kua ova i te 28 aho ko heki toe maua he avanoa ki Tokelau e fai te PCR mahani o te 48 itula, ma te hiakiga vave o te 24 itula ko heki teka mai te vaka;

ii. **Na aho fakanonofo kehe o na pahehe e malaga mai i Apia ma na kuvaka o na Vaka lanihi**

Ke fakataikole mai te 10 aho e iei nei ki te **7 aho** e fakanonofo kehe ai na pahehe mai Apia ma na auvaka o te Lanihi. E lua ia hiakiga vave e fakatino i te aho muamua ma te aho 6 ke kilia fatoa mafai teka ki te kaiga.

iii. **Na aiaiga mo latou e malaga mai ki Tokelau**

E toe fakamanatu ke fakamalohia na aiaiga pahia mo latou e agavaka e malaga mai ki Tokelau:

- a. Latou nae i loto o te hikimi tauale ma latou kaiga kua kilia e te Ola Malolo kua katoa o latou togafitiga;
- b. Tagata Tokelau nofo mau i Tokelau na malaga ki fafo kae kua haitia i fafo ona ko na puipuiga o te Koviti-19;
- c. Tagata faigaluega fakapitoa taua – essential workers;
- d. Fanau aoga (Hikimi Hikolahipi / Kui tua) e tukua mai;
- e. Tagata e malaga mai i ni mafuaga tatau mo he 6 mahina ma luga atu

E matau ko tatou tauale na kamata ai te fakafoki ifo ko te tokalahiga kua i Tokelau kae koi iei na tauale koi fakaauau latou togafitiga.

iv. **Na aiaiga mo latou e malaga ki fafo o Tokelau**

E matau te lahi o na lihohi a te Malo ma na Nuku e haoloto ai te malaga o latou e fia malaga ki fafo talu te tatala o na alavaka o Hamoa, NH, ma Auhetali, kae maihe lava kafai e toe liliu mai ki Tokelau. Kae e heki tatala aloakia foki te alavaka o Tokelau vagana ai na vagana. E fakatu atu ai ke:

- a. Tatia ki te onoonoga a te kauafua lava ia te fakataga o latou tagata e malaga ki fafo o Tokelau i ni mafuaga tatau:
 - Hikimi Tauale, Fanau Aoga, ma ni hakiliga malohi kui tua;
 - Tagata faigaluega a te Malo mo ni fonotaga tatau
 - Ni mafuaga tatau tau ki te hoifua malolo – medical reasons

Fakaaloakiaga

Kafai kua pahia e te Fono a te Malo Fakaauau i ona tiute ko te Komiti Aoao o te Koviti-19 ko te aho ia e fakaaloakia ai. Ko latou e fakanofonofokehe, ma latou e fakaauau latou hiakiga taki 7 aho mo na aho e 21 nei, kua agavaka i te huiga tenei.

Iloiloga Fakaauau

E fakaauau pea te iloiloga o latou kua mafai totogi lava e latou o latou tau ka toe liliu mai – hiakiga o te PCR, lipoti o te fomai, hiakiga vave, ma te fakanofokehe i na kauafua. Ko na tau ienei e fakatino e na Mataeke. Kae e iei na kauafua kua tuku na tau te fakanofokehe ke gafa ma latou e kui tua.

E venia ma te iloiloga o te malaga i te vaifenua ona kua matau na galuega a te Malo ma Nuku ma te tulaga o te Fetu.

PEPA FAKAOPPOPO 2

KO AI TE MAFAI MALAGA KI TOKELAU

- Hakiliga malohi i lalo o te Hikimi Tauale ma o latou kaiga kua kiliae te Ola Malolo kua katoa na togafitiga;
- Tagata nofo mau i Tokelau na fai malaga ka ko heki tapunia te alavaka ma na haitia i fafo ona ko na puipuiga mo te Koviti19 ma e heki maua he avanoa ke toe foki mai ai i te toe fakafoki muamua i te 2020;
- Tagata faigaluega fakapitoa taua e afia ai te unumua mo te Koviti-19 ma kuaiei he fakatagaga a te Komiti Fakapitoa mo te Koviti i lalo o na vagana;
- Fanau nofo akoga i fafo (i lalo o te Hikimi Hikolahipi pe kui tua) e tukua mai;
- Tagata nuku kua nofo mau i fafo kae ka foki ifo ke nofo i Tokelau mo he mataloa e hē i lalo ifo o te 6 mahina
- Tagata nofo mau i Tokelau na fai malaga ki fafo i te taimi o na hā i te alavaka mo he mafuaga tatau i te onoonoga a te nuku lava ia

MANAKOGA TAUUA MO TE ULUFALE KI TOKELAU

Ko na vaega taua e manakomia ke mafai ai he tino ulufale ki Tokelau kua fakaaloakia i te aho 30 Novema 2022:

Hiakiga e fai i Apia

- Ko na pahehe e tatau katoa latou tui puipuia o te Koviti-19 e veia ona fautuagia e te WHO – Pfizer ma ietahi.
- Ko te uiga o te katoa o na tui puipuia: 2 ia tui + ma te tui fakaopoopo 1 mo latou kua 12 tauhaga ki luga, kae 2 ia tui puipui mo latou kua 5 – 11 tauhaga te matutua. Ko latou na tui i fafo o Tokelau e tatau ke taukave na pepa fakamaonia kua katoa na tui;
- Ko na pahehe e tatau ona fakamaonia i he pepa fakamaonia e he maua i te Koviti-19 mai tona hiakiga o te PCR i loto o te 48 itula ko heki teka te vaka ma Apia mo Tokelau;
- Kilia he pepa falemai mai he Fomai fakamaonia e fakamaonia ai e he iei ni auga o te Koviti-19 vena ma ni etahi fakamatlagafakaholopito o te Koviti-19 vena ma te hoifua maloloina mahani;
- Ko na Pahehe e tatau ke kilia tona hiakiga vave (RAT) e he iei ni auga te Koviti-19 i loto o te 24 itula ko heki teka mai te vaka mo Tokelau mai Apia;
- Ko na Pahehe e tatau kilia te hiakiga o te kaufaigaluega a te Ola Malolo i TALO i mua o te 1 itula ko heki hopo ki luga o te vaka ki Tokelau mai Apia.

Manakoga Fakaopoopo mo Apia

- Ko na pahehe kua fakamaonia i te Koviti-19 i na hiaiga o te PCR i loto o te 48 itula e manakomia ke fakaauau na hiaiga vave (RAT) taki 7 aho ke kilia uma na hiakiga vave (RAT) e 2 hohoko, (**14 ia aho fakatahi**) kae ko heki toe malaga mai ki Tokelau.
- Ko na pahehe kua katoa na hiakiga hohoko e 2 kua kilia e fakaauau oioti te hiakiga vave (RAT) o te 24 itula veia ko te manakoga i te **Hiakiga e fai i Apia** i luga.
- Kae, kafai he pahehe e he maua he avanoa ki Tokelau i loto o te 28 aho mai te aho na fakamaonia ai kua maua i te Koviti-19 e toe kamata ona hiakiga veia ko te manaoga i te **Hiakiga e fai i Apia** i luga kamata mai i te hiakiga PCR i loto o te 48 itula.
- **Manakoga kafai e taunuku mai ki Tokelau**
- Ko na pahehe uma e mulimulitaki ki na faahinohonga a te Komiti ote Koviti-19 i luiga o na kauafua mai i luga o na vaka ki gauta ma te fakaauau ki na fale fakanonnofo kehe;
- Ko na pahehe uma ma na kauvaka o na lanihi e fakanofokehe moni ni aho e 7 (faitau taki 24 itula)
- Ko na pahehe uma e tatau kilia o latou hiaiga vave (RAT) e 2 mai te aho 1 & 6 ma ietahi manaoga mai te Ola Malolo fatoa tatala ki tua ki kaiga

PEPA FAKAOPOOPO 3

Tiute o te Ofiha Fakauluuluga mo Faigāpalota

Ofiha Fakauluuluga mo Faigāpalota: -

- (a) *Takitaki he fakalapotopotoga tutokatahi a te atunuku: Te Ofiha Palota o Tokelau.*
- (b) *Taukikila te fakatinoga o na faigāpalota atunuku – e aofia ai na faigāpalota taigole – ma te mulimilitakia ona Tulafono ienei ma na Fakatonuga mo na Fekuiakiga ona Faigāpalota Atunuku.*
- (c) *Fautua ite aho mo na faigāpalota, ma fakailoa aloakia te aho kafai kua mautu.*
- (d) *Maua mai na fakamaumauga o te faitauga aofaki o tagata mai i te Ofiha o Fuainumela Fakamaumau o Tokelau mo na faigāpalota atunuku, ma tonu (e tuha ai ma te vaega 3 ote Tulafono Fakavae) te numela ona hui ona nuku takitahi ma fakailoa atu ki na Taupulega takitahi.*
- (e) *Tuku atu na Fakatonuga mo na Fekuiakiga ona Faigāpalota Atunuku mo na faigāpalota takitahi, e lagolago ai na Tulafono kae e hē tatau ke fetekenaki ma nā Tulafono ienei.*
- (f) *Fakafoe na matakupu tau faigapalota atunuku, e aofia na auala fehokotakiga, ma te lehitatalaga ma te faiga o na palota a nā tino palota i fafo ote atunuku.*
- (g) *Tofia he ofiha fai palota e fokotahi (Ofiha Fai Palota o te Nuku) mo na nuku takitahi, ma hō he koga e kavea ma koga palota, ma fakafaigaluega ni ietahi Ofiha Palota kafai e manakomia, ma e galulue uma i lalo ote takitakiga a te Ofiha Fakaululuga mo Faigāpalota.*
- (h) *Tuku atu ni avanoa koleni ma atiake talafeagai mo na Ofiha Fai Palota o na Nuku ma ietahi ofiha fai palota.*
- (i) *Taukikila ma tuku atu te Lola Palota a te Atunuku.*
- (j) *Tapena na pepa palota, fakafoe ma fakahoa atu ki te atunuku na kope mo na faigāpalota.*
- (k) *Fakalauiola aloakia na ikuga o na faigāpalota atunuku.*
- (l) *Tuku atu he lipoti ona faigāpalota atunuku ki te Fono Fakamua tona lua i te maea ai o nā faigāpalota.*

Tiute o te Ofiha Fai Palota o te Nuku

Ofiha Fai Palota o te Nuku: -

- (a) *Lipoti atu ma e i lalo o te fakatonuga a te Ofiha Fakauluuluga mo Faigāpalota, ma fakatino na tulaga ote Ofiha Palota o Tokelau i luga o te nuku pe ko ietahi vaega na tofia ai ke ia fakatinoa.*
- (b) *Fakatino te lehitalaga o tagata palota i na nuku, lolomi ma fakahalalau te lola o tagata palota.*
- (c) *Fakalauiloa na fekuiakiga ma na taki mo na fakatutuuga.*
- (d) *Lagolago te fakatinoga ona fakatutuuga, e aofia ai te tuku atu ona fautuaga talafeagai ki na hui fakatutu ma na tino e fakatutu e kilatou kafai eiei ni huiga e manakomia ki ā latou fakatutuuga kae ke fakamaliegia ai na taki ma na fekuiakiga e fakatulaga mai inā Tulafono ienei, ma fakamau na hui tauva kua mautinoa.*
- (e) *Tuku atu ni koleniga ma ni fautuaga ki na Komiti Palota a te Nuku mo te fakatinoga o na faigāpalota, e aofia ai na vaega e tatau ke fakamaliegia e he tino palota ma te faitauga ote palota.*
- (f) *Tautuku te faitauga ona pepa palota ma tonu pe talia he pepa palota e fakafehiligia pe fakahea ite taimi e faitau ai na pepa palota, i he fakatalanoaga ma te Takitaki ote Komiti Palota a te Nuku.*
- (g) *Fakailoa na ikuga o te faigāpalota ki te Ofiha Fakauluuluga mo Faigāpalota.*
- (h) *Fakatino ni ietahi tiute tau faigāpalota e tuku atu ki ei e te Ofiha Fakauluuluga mo Faigāpalota.*
- (a) *E mafai ke kavea ma Ofiha Fai Palota hē tumau mo he tahi nuku, ite fakaikuga a te Ofiha Fakauluuluga mo Faigāpalota*

FF1 Me 2022

Fonotaga	Matakpu#	Ikugafono / Galuega ke Fakatino	Takitaki e/ Lagolago kiei	Aho e tatau ona totoka ai	Tulaga kua iei / Fakamatalaga
	3(iv)	<p><u>Paketi 2021/22 Iloiloga</u> Tautali ki na manakoga mo meafaigaluega mo te tautaliga a na falemai e 3 ki te Koviti:</p> <ul style="list-style-type: none"> • Fakamatea • Fakatau 	Fakatonu Ola Malolo/Pule Fakahoa Atunuku & Fakatonu Tupe	Taimi vave	
	3(v)	<p><u>Paketi 2021/22 Iloiloga</u> Fakahekega, afia ai na fakatupega, ke i loto o na matakupu a te Fono Fakamua ka hohoko:</p> <ul style="list-style-type: none"> • Akoga • Falemai • Leoleo 	Pule Fakahoa NN mo te Ofiha Failautuhi Fono Fakamua / Pule Fakahoa Atunuku	30/06/2022	
	4(i)	<p><u>Fakamakeke na Tautuaga tau Ola Malolo</u> Peleniga & Fakataunukuga o na Fautuaga o te Iloiloga Tagaki ki na Ikugafono o te FF3 Nov 2022</p>	Fakatonu Ola Malolo		Fautuagia ke iei i lipoti taki 2 mahina ki te Malo Fakaauau ma kui atu ai ki te Taupulega & Fono Fakamua
	5(ii)	<p><u>Malae Vakalele</u> Inihinia ke ahiahi ki te kogafenua kua fakamatea</p> <ul style="list-style-type: none"> • Ke iei he fakatagaga ke ulufale • Peleniga o te malaga Samoa / Tokelau / Samoa 	DoT&SS / GM Nukunonu / GM National (NACC)		Fautuagia ke iei ni lipoti taki 2 mahina ki te Malo Fakaauau ma kui atu ai ki te Taupulega & GF
	8	<p><u>Fakamakekega o na Tautuaga tau Fakamahinoga & Leoleo</u> Kaufaigaluega Tulafono ke tamilo ki na Taupulega ke fakamanino fakalelei na fakatu o te lipoti a Sir Ronald Young</p>	Faufautua Tulafono / GM National	31/07/2022	
	9	<p><u>Faihao ki te PICP</u> Ke aofia i te lihi o na totogiga tupe a te malo i tauhaga-takitahi</p>	Pule Fakahoa Atunuku / Fakatonu Tupe	30/06/2022	<i>Lafo te imeli ki te Fakatonu o te Tupe ke matau mo na paketi i te lumanaki</i>
	10	<p><u>Faigamalo</u> Toe fakaolaola te fakatalanoaga o he faigamalo i te agai atu ki te fakamanatuga o te 100 tauhaga i lalo o te kikilaga a Niuhila</p>	GM National	31/07/2022	
	13	<p><u>Matakupu taukave a te Fono Fakamua</u> Fakaopeopo ki te fakahologa o na matakupu a te Fono Fakamua</p>	Pule Fakahoa Nukunonu	Fono Fakamua ka-hohoke	

FF2 Iulai 2022

Fonotaga	Matakpu#	Ikugafono / Galuega ke Fakatino	Takitaki e/ Lagolago kiei	Aho e tatau ona totoka ai	Tulaga kua iei / Fakamatalaga
1	1(ii)	<u>Paketi 2022/2023</u> Fakatotoka te iloiloga o te paketi mo Akoakoga ka ko heki nofoia te Iloiloga o te Tupe	Fakatonu o Akoakoga	Taimi vave	
	1(iii)	<u>Paketi 202/2023 – Fakatupega Fehoahoani mo Fakafo mo na Afainaga o te Tai Galu</u> <ul style="list-style-type: none"> • Fakatu he Komiti ke tautuku na manakoga • Lipoti • Talohaga ki Niuhila 	Pule Fakahoa Atunuku / Tino Fakahoa, Fakafo	Taimi vave	
	1(iv)	<u>Paketi 2022/2023 Hikitaga ki na totogi</u> <ul style="list-style-type: none"> • Fakatalanoa te Taupulega ki na levolo kua fautuagia • Tapena te pepa mo te Fono Fakamua 	Fakatonu Tupe / Fakatonu uma, Ofiha o te Taupulega	Kamataga o Oketopa	Pahia e te FF3 2022 te 10%
	1(v)	<u>Paketi 2022/2023 Alauni</u> Toe ahia na penefiti / alauni / penihiona ma lipoti ki te Fono Fakamua ka hohoko	Fakatonu Tupe / Komiti Alauni	Kamataga o Oketopa	Na matau i te FF3 2022 ma fakatonu he iloiloga o na alauni uma ke tuku atu ki te fonotaga ka hohoko
	1(xi)	<u>Paketi 2022/2023 - Teletok</u> Lipoti Tupe & fakatu mo he fakatupega mo te FY2022/2023	GM Teletok	Kamataga o Oketopa	Na toe fakatonu e te FF3 2022
	1(xiv)	<u>Paketi 2022/2023 – COVID19</u> <ul style="list-style-type: none"> • Komiti Faufautua ke fatu he polihī & taki mo te fakaaogaga o te \$300k mo te toe fakafoki • Lipoti o te \$3m mai Niuhila ke tuku atu ki te Fono Fakamua ka hohoko 	GM Atunuku / Fakatonu Tupe / Komiti Faufautua	Taimi Vave Kamataga o Oketopa	
	1(xv)	<u>Paketi 2022/2023</u> Tuku atu ki te Tupe te auiliiliga o na paketi ki na levolo kua pahia	Fakatonu Tupe / Fakatonu uma	Taimi vave	
	1(xviii)	<u>Paketi 2022/2023 Teuteuga ki na Tulafono Tupe</u> Lua o Faitauga i te Fono Fakamua ka hohoko	Fakatonu Tupe / Tulafono	Kamataga o Oketopa	Na talia te 2 o faiituaga e te FF3 2022 ma tukuatu mo na toe talanoaga lautele. Ke pahia i te FF1 2023
	1(xix)	<u>Paketi 2022/2023 he taki NZ\$100k a na nuku mai te PDF</u> <ul style="list-style-type: none"> • Tukufakatahi na fakamuamuaga a na nuku mo te fakatupega 	Pule Fakahoa a na Nuku / PMU / Fakatonu Tupe	Kamataga Hetema Kamataga	Na fakailoa i te FF3 2022 kua talia he fakatu i he ulutala lautele “polokalame patino ki na nuku mo te hikihikiga ki luga o te teteke ki na afainaga o na huiga o te tau e ve ko na tane vai ma te fakamakekega o na fale fou ma na

FF2 Iulai 2022

	<ul style="list-style-type: none"> Lihi o na fakamuamuaga ki te Fono Fakamua ka hohoko 		Oketopa	<i>fale kua iei nei."</i>
2	<u>Tulafono mo te Tuipuipui</u> <ul style="list-style-type: none"> Fakatalanoaga e afia ai ia Niuhila 2 o Faitauga i te Fono Fakamua ka hohoko 	Tulafono	Kamataga-Oketopa	Na talia e FF3 2022 te 2 o faitauga. Toe tuku atu mo na toe talanoaga lautele i te agai atu ki te FF1 2023
3	<u>Tulafono mo Faigapalota</u> <ul style="list-style-type: none"> Fakatalanoa 2 o faitauga i te Fono Fakamua ka hohoko 	Tulafono / Fakamaumauga-Fakafuainumela	Kamataga-Oketopa	Pahia i te FF3 2022
5	<u>Fakamanuiga mo na Komehina Tulafono</u> <ul style="list-style-type: none"> Fakatalanoa te Taupulega Toe tuku atu ki te Fono Fakamua ka hohoko 	TPSC	Kamataga-Oketopa	Matau e te FF3 2022 koi fakaauau te galuega
6	<u>Fakamanuiga mo na Uhufono Fono Fakamua & Taupulega</u> <ul style="list-style-type: none"> Fakatalanoa te Taupulega Toe tuku atu ki te Fono Fakamua ka hohoko 	TPSC	Kamataga-Oketopa	Matau e te FF3 2022 koi fakaauau te galuega
7	<u>Fakamanuiga mo te Malo Fakaauau</u> <ul style="list-style-type: none"> Hui na Totogi Totogi kamata mai ia Mati 2019 	Pule Fakahoa Atunuku / Fakatonu Tupe	Taimi vave	
8	<u>Fehoahoaniga a Niuhila ki te Komihī o te Gagana</u> <ul style="list-style-type: none"> Tuku atu ki te Fono Fakamua ka hohoko te pepa na maua e te fono fakamua o Tehema-202 	Pule Fakahoa Atunuku	Kamataga-Oketopa	Na pahia e te FF3 2022 te filifiliga3. Na ko Tokelau ma Niuhila
12	<u>Lipoti mai te Tamilohaga a te Mataeke o te Ola Malolo</u> <ul style="list-style-type: none"> Toe tapena te lipoti ke atafia ai na vaega uma ma na popolega fakahula ma toe tuku mai te lipoti ki te Fono Fakamua ka hohoko 	Fakatonu Ola Malolo	Kamataga Oketopa	
13	<u>FM Leitio</u> <ul style="list-style-type: none"> Fakatino ma ke iei ni lipoti ki te tulaga kua iei na fakatinoga 	EDNRE		Fautuagia ke maua e te Malo Fakaauau ni lipoti taki 2 vaiaho pe taki mahina ma kui atu ai ki na Taupulega i na lipoti mahani mai na fonotaga a te Malo Fakaauau. Kui atu ki te Fono Fakamua i te Lipoti o Galuega Fakaauau a te Malo
14	<u>Ofiha o te Tau</u> <ul style="list-style-type: none"> Ke fakamanino ki te Fono Fakamua pe ko tefea tonu te mataeke e gafa ma te tautuaga tenei 	Pule Fakahoa Atunuku / Huiga ki te Tau & EDNRE [Kaufaigaluega Hinia?]	Kamataga Oketopa	

	15	<p><u>Matakupu Taukave</u></p> <p>•Taukave</p>	<p>Pule Fakahoa Atunuku / Ofiha Failautuhi a te Fono Fakamua</p>	<p>Lototonuga o- Oketopa</p>	<p>Toe fakamaonia e te FF3 2022 e gafa te Malo Fakaauau ma te tautukuga o te fakataunukuga; afia ai ke tutuha te fakatinoga; ona ikugafono a te Fono Fakamua</p>
--	----	--	---	---	--

Fonotaga	Matakpu #	Ikugafono / Galuega ke Fakatino	Takitaki e/ Lagolago kiei	Aho e tatau ona totoka ai	Tulaga kua iei / Fakamatalaga
FF3 Novema 2022	2	<u>Tulafono Tui Puipui o te Koviti19</u> <ul style="list-style-type: none"> Toe fakatalanoa i te va o Niuhila & Tokelau mo te teuteuga o na fakakupuga mo he pahiaga i te Fono Fakamua ka hohoko 	Pule Fakahoa Atunuku / Tulafono	Ka ko heki nofoia te Fono Fakamua ka hohoko	
	3	<u>Teuteuga ki na Tulafono Tupe 2022</u> <ul style="list-style-type: none"> Fakatmatea na huiga ma tuku atu ki na Taupulega ke toe fakatalanoa Na lagona o na Taupulega ki te Fono Fakamua ka hohoko 	Pule Fakahoa Tupe / Pule Fakahoa, Ofiha o te Taupulega	Taimi vave Ka ko heki nofoia te Fono Fakamua ka hohoko	
	4	<u>Teuteuga ki na Tulafono Meatotino & Tulafono Faletupe</u> <ul style="list-style-type: none"> Fakamatea na huiga ma tuku atu ki na Taupulega ke toe fakatalanoa Na lagona o na Taupulega ki te Fono Fakamua ka hohoko 	Pule Fakahoa Tupe / Pule Fakahoa, Ofiha o te Taupulega	Taimi vave Ka ko heki nofoia te Fono Fakamua ka hohoko	
	5	<u>Tulafono Kaufagaluega Tautua 2022</u> <ul style="list-style-type: none"> Fakatalanoa 	Tulafono	Ka ko heki nofoia te Fono Fakamua ka hohoko	
	6	<u>Lipoti a te Komiti Alauni</u> <ul style="list-style-type: none"> Ke afia na alauni uma ma na lagona o na Taupulega i te Lipoti Iloilo na taki o na alauni uma Lipoti ki te Fono Fakamua ka hohoko 	Fakatonu Tupe	Ka ko heki nofoia te Fono Fakamua ka hohoko	

FF3 Novema 2022	7	<p><u>Tulagatofi ke afia i te Fakatulagaga o na Totogi</u></p> <ul style="list-style-type: none"> • Afia na tulagatofi ienei [Hui Pule Koloa, Ofiha Fakapalen Tuhi & Fakatau Koloa, Fale Aiha – Koloa o te Nuku & Ki Penihini] i te Fakatulagaga o na Totogi ma ho hetahi tulagatofi e iei nei kae ko heki atafia • Lipoti ki te Fono Fakamua ka hohoko 	TPSC / Pule Fakahoa, Ofiha o te Taupulega	Taimi vave	
	8	<p><u>Penihione</u></p> <ul style="list-style-type: none"> • Toe Iloilo te Polihi 	Fakatonu Tupe / Komiti Alauni	Ka ko heki nofoia te Fono Fakamua ka hohoko	
	9	<p><u>Hikitaga ki te Fakatulagaga o na Totogi</u></p> <ul style="list-style-type: none"> • 10% kamata i te aho 1 Oketopa 2022 • Iloilo taki tauhaga mo te huiga o na tau o na koloa 	HR	Taimi vave	
	10	<p><u>Paketi mo te Fom mo te tautuaga o te Fono Fakamua</u></p> <ul style="list-style-type: none"> • Matauga i te Iloiloga o te Paketi 	Fakatonu Tupe & Femalagaakiga	Ka ko heki nofoia te Fono Fakamua ka hohoko	
	11	<p><u>Pemita Galue mo na Tino Konekalate</u></p> <ul style="list-style-type: none"> • Ke afia te vaega tenei i na konekalate a ho he tino faigaluega e talohaga mo he pemita “Ko te talia e he Taupulega he talohaga pemita, e hē mafai ai ke apalai ki hetahi galuega i luga o Tokelau vagana ai kua malaga atu ki fafo o Tokelau oi apalai mai ai ki te galuega fou.” • Fakailoa aloakia ki na Taupulega & na Mataeke 	TPSC	Fakaauau	
	12	<u>Fakamakeke na tautuaga tau Leoleo i Tokelau</u>		Taimi vave	

FF3 Novema 2022		<ul style="list-style-type: none"> • Fakaopoopo te tulagatofi galue Takitaki Leoleo ki te numela fakavae mo na tulagatofi galue & te Fakatulagaga o na Totogi • Fakatalanoa na Taupulega – fakagaluetino o leoleo ite taimi nei • Tofia he Takitaki Leoleo i na auala mahani mo tofiaga o te kaufaigaluega 	Pule Fakahoa Atunuku / TPSC / HR Pule Fakahoa Atunuku Pule Fakahoa Atunuku / HR	Taimi vave Taimi vave Taimi vave	
	13	<u><i>Polokalame ke Fakamakeke te hihitemi mo te Ola Malolo</i></u> <ul style="list-style-type: none"> • Fakatino na fautuaga mai te Iloiloga o na tautuaga tau Ola Malolo i te kua toe teuteu 	Fakatonu Ola Malolo / Faufautua Ola Malolo	Fakaauau	Lipoti patino (taki 2 mahina) ki te Malo Fakaauau
	14	<u><i>Peleni Tauhaga mo te Ola Malolo 2023</i></u> <ul style="list-style-type: none"> • Fakatalanoaga 	Fakatonu Ola Malolo	Ka ko heki nofoia te Fono Fakamua ka hohoko	
	15	<u><i>Komih i o te Gagana</i></u> <ul style="list-style-type: none"> • Fakatu ma fehokotaki te fakatupega mai Niuhila 	Pule Fakahoa Atunuku	30 Iuni 2023	Lipoti patino (taki 2 mahina) ki te Malo Fakaauau
	16	<u><i>Tautuaga tau Fehokotakiga</i></u> <ul style="list-style-type: none"> • Ke iei he lipoti ma he fautuaga mai te Komiti Fakafoe ki te Fono Fakamua ka hohoko: <ul style="list-style-type: none"> • <u>Tau o te neti, Fauhaga mo te Tautuaga, Fauhaga o te Komiti Fakafoe, dot.tk, Tulaga kua iei te uaea takele moana, Lipoti tupe taki tauhaga</u> • <u>Tofia he Faufautua Fakapitoa</u> 	Pule Fakahoa Atunuku	Lipoti patino (taki 2 mahina) ki te Malo Fakaauau Taimi vave	
	17	<u><i>Na Paaka ke toe tuku ki lalo o te Malo</i></u>			Ke kavekehe te matakupu mai

FF3 Novema 2022

		<ul style="list-style-type: none"> Talanoa ia Atafu, Mataeke o te Tupe & Mataeke o Tautuaga Lagolago ma toe lipoti mai ki te Fono Fakamua ka hohoko 	Fakatonu, Ofiha o te Taupulega, Atafu		na matakupu a te Fono Fakamua ke pa ki te taimi e toe fakamatakupu mai ai e Atafu ka maea ana talanoaga ma te Tupe & Tautuaga Lagolago.
	18	<u><i>Tau o te Tuhi Ata o te Fauga Fale</i></u> <ul style="list-style-type: none"> Hakili na tau o na itukaiga tautuaga venei ma tuku atu he fautuaga ki te Fono Fakamua ka hohoko ki he aofaki e tatau ona fakaopoopo Matau i te Paketi 2023/2024 i te levolo o te atunuku he fakamanuiga mo Fata Levi 	Fakatonu Tupe	Ka ko heki nofoia te Fono Fakamua ka hohoko Ka ko heki nofoia te Fono tupe 2023/2024	
	19	<u><i>Pahene Fakaopoopo ki na tau o na koloa</i></u> <ul style="list-style-type: none"> Fakatalanoa na nuku 	Fakatonu Tupe	Ka ko heki nofoia te Fono Fakamua ka hohoko	
	20	<u><i>Tiute</i></u> <ul style="list-style-type: none"> Fakatalanoa na nuku Lipoti ki te Fono Fakamua 	Fakatonu Tupe	Ka ko heki nofoia te Fono Fakamua ka hohoko	
	21	<u><i>Uta</i></u> <ul style="list-style-type: none"> Tuku atu he pepa fakamatлага ki na Taupulega ma te Fono Fakamua e aulilili ai te hihitemi mo na fekavefaki Apia/Tok & Tok/Apia Toe ahia te hihitemi e iei nei i he kikilaga ke puipuia ai na koloa, i he auala e mafai ke toe maua ai na koloa kua kikino pe kua hē maua 	Fakatonu Femalagaakiga & Tautuaga Lagolago	Taimi vave Ka ko heki nofoia te Fono Fakamua ka hohoko	
	22	<u><i>Galuega taukave a te Fono Fakamua</i></u> <ul style="list-style-type: none"> Tautuku e te Malo Fakaauau te fakataunukuga o na tonu fai a te Fono Fakamua 	Pule Fakahoa Atunuku	Fakaauau	

FF3 Novem				
	23 & 24	<u><i>Metotia e Vaevae ai te Paketi a na Nuku</i></u> <ul style="list-style-type: none"> • Fakatalanoa na nuku 	Fakatonu Tupe	Ka ko heki nofoia te Fono Fakamua ka hohoko
	25	<u><i>Fakavahegaga o na galuega e tau ki na tau mahani & tupe polokalame</i></u> <ul style="list-style-type: none"> • Ke tuku atu he fakamalamalamaga agai ki te fakavahegaga 	Fakatonu Tupe / Komiti mo te Iloiloga o na Tau mo te Fakagalue o te Malo	Ka ko heki nofoia te Fono Fakamua ka hohoko
	27 & 28	<u><i>Fenua o Tokelau i Samoa</i></u> <ul style="list-style-type: none"> • Matakupu ki na fenua i lalo o te Ofiha o Tauhi Mavaega ke tuku atu ki na Tapulega ke tuku mai ki te Malo Fakaauau mo te tapenaga o he tautali ki te Ofiha o Tauhi Mavaega • Lipoti ki te Fono Fakamua ka hohoko • Peleni mo te fakaaogaga o na fenua i Samoa 	Fakatonu o te T&SS / Pule Fakahoa, Ofiha o na Taupuelga Fakatonu T&SS Fakatonu T&SS / Kaufaigaluega Hinia	Taimi vave Ka ko heki nofoia te Fono Fakamua ka hohoko Ka ko heki nofoia te Fono Tupe FY2023/24
	29	<u><i>Fagotaga Fakalotoifale</i></u> <ul style="list-style-type: none"> • Toe ahia te fakatu ma toe tuku mai ki te Fono Fakamua ka hohoko 	Fakatonu, Ofiha o te Taupulega, Atafu	Ka ko heki nofoia te Fono Fakamua ka hohoko
	30	<u><i>Fakaleleiga o te Auala o te Ava, Atafu</i></u> <ul style="list-style-type: none"> • Fakaaogā te paleni i lalo o te Polokalame Vaka-ki-Gauta mo te galuega tenei 	Fakatonu Tupe / Fakatonu T&SS / Fakatonu, Ofiha o te Taupulega, Atafu	Ka ko heki pa atu ki te fakaikuga o te Tauhaga Tupe 2022/2023
	32	<u><i>Malae Vakalele</i></u>		Ka ko heki nofoia

		<ul style="list-style-type: none"> Fakapepa mo te Fono Fakamua ka hohoko te folahaga ki te tulaga o te Kamupani e Konekalate mo te fauga o te malae vakalele 	Fakatonu T&SS	te Fono Fakamua ka hohoko	
35		<p><u>Iloiloga o te Tau mo te Fakagalue o te Malo</u></p> <ul style="list-style-type: none"> Toe ahia na fautuaga Toe teuteu te lipoti ma toe tuku mai ki te Fono Fakamua ka hohoko 	Fakatonu Tupe	Ka ko heki nofoia te Fono Fakamua ka hohoko	
36		<u>Ata mo te Vaka fou mo te vaifenua</u>	Fakatonu T&SS	Taimi vave	
37		<p><u>Fakamanuiaga mo na Taupulega, Uhufono Fono Fakamua & Komehina o te Tulafono</u></p> <ul style="list-style-type: none"> Mo he Komehina Tulafono e fua fakatulaga ki te 80% = \$26,136 ki te 110% = \$35,937 kamata i te aho 1 Aukuho 2019 Toe tuku atu na fakamanuiaga o na Uhufono Fono Fakamua ma na Taupulega ke toe fakatalanoa e na Taupulega ma tuku mai na lagona ki te Fono Fakamua ka hohoko 	TPSC / HR TPSC	Taimi vave Ka ko heki nofoia te Fono Fakamua ka hohoko	
38		<u>Falemai o Nukunonu ma na Lipoti mai te TPSC</u>	TPSC	Ka ko heki nofoia te Fono Fakamua ka hohoko	

D. 09 Tehema 2022

1. FAUTUAGA FAMAI KOVITI-19: FAKAAOGĀ TE MV MATALIKI & MV KALOPAGA MO FAIGAMALAGA I TE VAIFENUA

I he kikilaga ki he fautuaga mai te Komiti Faufautua, ko te Malo Fakaauau i te tofi Komiti Fakapitoa mo te Koviti -19 na:

- i) **matau** te pepa ma na fakamatalaga i loto; ma
- ii) **malilie** ke fakaaogā te MV Mataliki & MV Kalopaga mo faigamalaga i te vaifenua i lalo o na Takiala kua fakapipiki atu i te **pepa fakaopoopo 1**.

2. LIPOTI TUPE TAKI KUATA KI TE AHO 30 HETEMA 2022 MAI TE TEUGATUPE FAKAVAOMALO A TOKELAU

Ko te Malo Fakaauau na **matau**:

- i) te lipoti ma te tulaga o te Teugatupe ki te aho 30 Hetema 2022; ma
- ii) e tuku taki kuata mai na lipoti tupo ka maua e te Komiti Fakafoe mo te Teugatupe.

3. GALUEGA MO TE TOHOGA KI GAUTA O TE MV KALOPAGA MO NA GALUEGA TAKI 5 TAUHAGA E TUHA AI KO NA TULAFONO FAKAVAOMALO

Ko te Malo Fakaauau i te tofi Komiti Fakafoe o te Transtok na:

- i) **matau:**
 - a. ko te MV Kalopaga na pa mai ki Tokelau i te 2018;
 - b. ke mautinoa e tauhihia e te vaka na tukutukuga e mafai ai fakaauau ana tautuaga, ko tetahi tohoga ki gauta e fuafua mo te mahina o Mati 2023;
 - c. e tuha ko te vaka e i gauta mo he 2 vaiaho i te fakaikuga o Mati pe ko te kamataga o Apelila 2023;
 - d. i te ikuga ki he tulaga lelei te galuega mo te tohoga ki gauta o te MV Mataliki, kua iei ai ni talanoaga ke fakaaogā foki te kamupani lava tena; *Titan Marine Engineering*, ke fakatino te galuega mo te MV Kalopaga;
 - e. e fakaaogā foki te avanoa tenei ke fakalelei ai ni vaega na fakamatea i na hiakiga fakatulafonogia mulinei; ma
 - f. te matematega o te paketi e manakomia fua ki te hiakiga na fakatino i te aho 18 Novema 2022 i Apia kae tālia he tau manino mai te *Titan Marine Engineering*.
- ii) **toe fakaleo** ko he tulaga pito hili ona taua ke fakamautinoa ko na vaka te unumua kiei na tautuaga tau femalagaakiga ma felakuakiga a Tokelau e malupuipuia; ma
- iii) **malilie** ke fakaauau na tapenapenaga mo te togohaga o te MV Kalopaga e ve ona peleni kiei ma ke afia te paketi e manakomia i te fakatu mo te Iloiloga o te Paketi 2022/2023.

4. FONOTAGA KA HOHOKO

Malilie e fakailoa he aho i he taimi o te vaiaho ka fakahavali nei.

PEPA FAKAOPOOPO 1

A. TAKI MO TE FAKAOGA O TE MV MATALIKI & MV KALOPAGA MO PAHEHE I TE VAI FENUA.

1. Ko pahehe uma e hohopo ki luga o na paopao kua tākua I luga ke malaga ai ki he tahi kauafua e tatau ke:
 - a. Fakailoa muamua ki te kauafua e fakamoemoe e malaga kiei mo he fakagaga ma he avanoa I na fale faka nofo kehe kae ko heki hopo ki luga o te vaka
 - b. Fakailoa ki te Ofiha o femalagakiga I luga o te kauafua mo ni avanoa I luga o te vaka
 - c. Fai o latou hiakiga maua vave (RAT) kae ko heki hopo ki luga o te vaka.
 - d. Fakailoa na hiakiga (results) ki te falemai ma te Ofiha o te Taupulega e malaga kiei te pahehe
 - e. Fefaiaki e ve lava ko na pahehe e malaga mai I Apia ka fai kua taunuku ki te kauafua nae fakamoemoe e malaga kiei.
 - i. E fakanofo kehe mo ni aho e 7
 - ii. Fakaauau o latou hiakiga maua vave e ve lava ko na pahehe na malaga mai I Apia
2. Ofiha o na Taupulega & Ofiha o femalagakiga I luga o fenua ma o latou tiute:
 - a. Kave te fakatagaga aloakia ki te Ofiha o te Taupulega e malaga mai ai te pahehe (kopi te Ofiha o femalagakiga I te kauafua).
 - b. Hakili avanoa mo na pahehe ki luga o te vaka
 - c. Fakailoa ki te Fakatonu o Femalagaakiga mo hana fakatagaga ki te Kapiteni o te vaka na pahehe e amanaki ke malaga ki te tahi kauafua

E. 20 Tehema 0222

1. KOVITI-19 FAUTUAGA: KUA MATEA KUA AFEA IA ATAFU E TE FAMAI

I he kikilaga ki ni fakamatalaga lata mai ma ni fautuaga mai te Komiti Faufautua, ko te Malo Fakaauau i te tofi Komiti Fakapitoa mo te COVID-19 na:

i) **matau:**

- a. e tokatolu ia tino i loto o te fakanofokehea i Atafu na maua i na hiakiga vave i te aho 13 Tehema kua afia i te famai, na toe maua hetahi i te aho 14 Tehema ma hetahi i te aho 18 Tehema. Ko te aofaki o latou kua afia i te famai e tokatlima;
- b. Ko na auga e he tigaina ma e o ni aho e 2 – 3 oioti;
- c. Ko te pahehe mai Fakaofo e fakanofokehe i na fale i Kileva te iei na fakamaoniga ma e fakaauau na tauhiga ma fakaopoopo na aho.
- d. Ko latou e fakanonofo kehe i Matagi e heki iei he tino e fakamaonia ma i loto te 10 aho, kua 3 o latou hiakiga vave e fakailoga tokehe uma (negative) ma kua tatala ki tua.
- e. Na fai na hiakiga vave mo tagata uma i Atafu ma Fakaofo ma na manuia uma na hiakiga heki iei he tino e fakamaonia kua maua i te koviti-19
- f. Te fakapopolega ki te tautali mai o te fomai i Atafu i te kamataga kua agai ki te lelei kua he manakomia ai he tuhi mai Malo Fakaauau kui atu i te Ulu o Tokelau.
- g. Ke toe fakamalohia na taki a te atunuku ke galulue fakatahi na nuku ma te Mataeke o te Ola Malolo kui atu i te Komiti Faufautua o te Koviti-19.
- h. Na fakamatalaga lata mai o te koviti-19 e fakamaonia i na fakatinoga ma te haieinihi (evidence based and science) ke fai ma Iloilo ki ei na puipuiga a Tokelau, kae maihe te tatou mafai i na lihohi tagata / meafaigaluega.
- i. Te Fetu na malaga ki Atafu i te taeao o te Aho Gafua, 19 Tehema, ke kaumai na hiakiga (*specimen*) ke faitau manino e te mahini tui toto i Nukunonu.
- j. Heki fautuagia ni huiga ki na malaga i te va o Hamoa ma Tokelau kae ke toe fakamakeke na puipuiga o latou e tuli te 14 aho i Hamoa, ma latou kua fakamaonia kua maua i te koviti-19 ke fakamamao ma te nunu i te TALO.
- k. Heki fautuagia ni huiga ki te malaga o ni pahehe i te vaifenua ma na puipuiga na pahia i luga o te Mataliki ma te Kalopaga.
- l. Te tuhi mai te Ulu Fakatonu o Tokelau e aulii ai te fehoahoaniga e fakatali mai ki ei ia Niuhila – e tapena e te Mataeke o te Ola Malolo te lihi o na manakoga.
- m. Te maliliega kua fakatino ai te kaumai o na tui puipui fakaopoopo lua kae ke mafai kaumai i te aho 29 Tehema.
- n. Te fakamalulu a Niuhila ko heki avanoa te tui puipui mo fanau i lalo o te 5 tauhaga; ma
- o. Te hogahoga o te Ulu Fakatonu ke vave malaga mai ia ki Tokelau i te tauhaga fou ke fakafaigofie ai na fekuikuiakiga ke kavaifo he kaufaigaluega fakaopoopo mo te ola malolo kafai e peehi te famai ki tua o te fakanofokehe.

ii) **malilie:**

- a. ke fakaaoga te Fetu o te Moana i te vaifenua ki te fekavefakiga o na hiakiga e makomia ke faitau e te mahini tui toto; ma
- b. vagana ai he tino faigaluega mai te Ola Malolo i luga o na malaga a te Fetu o te Moana mo te malupuipua o na hiakiga (*specimen*) ma te kauvaka, taofi na femalagaakiga a pahehe i luga o te Fetu o te Moana;

- iii) **pahia:**
- te kavaifo ma te fakaaogaga o te tui puipui mo te lua o tui fakaopoopo;
 - te huiga o te aho 17 Tehema ki te maliliega ke mautinoa ai e maua ifo ai i te aho 29 Teheme 2022 na tui puipui mo te lua o tui fakaopoopo.
- iv) **fakatonu** te Pule Fakahoa Atunuku ke fakatino he fakailoa lautele e te Ulu o Tokelau ma hui o te Malo Fakaauau te tulaga kua iei ai te famai i Tokelau.

2. IETAHI MATAKUPU

2.1 Polokalame o na Vaka

Na fakaaoga te avanoa e te Pulenuku o Atafu ke kui atu he talohaga it e Malo Fakaauau ke fai fakalelei te tulaga o na polokalame vaka.

Na **matau** e te Malo Fakaauau te tautali a te Minihita o Femalagaakiga, ko te tulaga ia tauhinio kiei te Mataeke. Kae, ona ko na puipuiga o te famai, e faifaigata o na maua he kauvaka mo na malaga takitahi ko teia e atafia ai ni huiga vave i na polokalame.

2.2 Aho mo te Faigapalota

Na fakaaoga te avanoa e te Ofiha Fakauluuluga mo Faigapalota ke fakailoa ki te Malo Fakaauau e tuha ko te tonu fai ki he aho, kua fakamaonia mai e na Taupulega takitahi e lagolago ki te aho 26 Ianuali 2023. I he tulaga venei, ka fakahalalau ma fakailoa lautele te aho mo te faigapalota.

Na **matau** e te Malo Fakaauau te fakailoa.

3. FONOTAGA KA HOHOKO

Malilie e fakaauau te tukumaiga o ni Lipoti kui i te imeli agai ki te tulaga o te famai kae e taulogologo kafai e iei he vaega matuia e manakomia ai he fonotaga fakafuaheki.

F. 22 Ianuali 2023

1. FAUTUAGA KI TE KOVITI-19

I he kikilaga ki ni fakamatalaga lata mai ma ni fautuaga mai te Komiti Faufautua, ko te Malo Fakaauau i te tofi Komiti Fakapitoa mo te COVID-19:

- i) **matau** te pepa e ve ona fakapipiki atu ma na fakamatalaga i loto;

Agai ki te ulufale ki Tokelau:

- ii) **malilie** ke hui na puipuiga ke afia he kikilaga ki te numela e takua ko te *CT value* o te hiakiga i te fale tui toto i te 48 itula ka ko heki faimalaga i he kikilaga venei:

- a. CT value ≥40: e mafai ke malaga ki Tokelau kafai kua fakamaliegia ietahi vaega o na puip;uiga;

- b. CT value i te va o te 39 – 35 e tatau ke:

- i. Nofo kehe i te kaiga pe ko fea lava te fakamalumalu ai mo ni aho e 7;
- ii. Ke lua (2) ia hiakiga fakavave i te aho 7 ma te aho 8 e fakamaonia kua hē maua i te famai fakatoa mafai ai ke malaga ki Tokelau;
- iii. Kafai ko te hiaking fakavave i te aho 7 e fakamaonia koi maua i te famai, fakaopoopo ni etahi aho e tolu (3) ma toe fai he hiakiga vave i te aho 10; kafai mai te hiakiga fakavave tena koi maua i te famai, ke toe fakaopoopo ni etahi aho e tolu (3) ma fakaauau ai lava heiloga ke auhia ni hiakiga fakavave e lua hohoko kua hē maua i te famai.

- c. CT value <35: e tatau ke auhia ni hiakiga fakavave e lua e fakava i ni aho e 7 (aofaki 14 aho) e hē maua i te famai fattoa mafai ai ke malaga ki Tokelau.

- iii) **malilie** ko te puipuiga e manakomia ai he hiakiga fakavave e fakamaonia e hē maua i te famai teia e fakatino i te 24 itula ka ko heki faimalaga ka hui ke fakatino i te taimi e fakatino ai na hiakiga mahani a te ola malolo i he **itula** ka ko heki faimalaga;

- iv) **malilie** kāfai e hiaki te mātua pe ko te mātua tauhi e hē maua pe kua maua i te koviti, e fuafua lava e te kaufaigāluega kui i nā fakafehili (screening) pe tatau ke fai he PCR mo he pepe i lalo ifo o te 5 tauhaga.

Kafai kua iei he tauale i Tokelau kua fakamaonia e maua i te koviti:

- i) Ko ki lātou uma e fakamautinoa mai i te hiakiga i te fale tui toto (PCR) e maua i te Koviti i luga o Tokelau,

- Kafai kua hao te famai ki tua o na fale fakanofokehe e tatau ke:
 - Fakanofokehe i na fale fakanofokehe pe
 - Fakanofokehe i te falemai fua ki nā auga e manakomia ai he fehoahoani tau te ola mālōlō
- vaganā ko te *CT value* o te hiakiga e ≥ 40 , fattoa fakataga ai ke teka kehe mai ite fale fakanofokehe
- Kāfai ei loto lava o te fale fakanofokehe, e kave fakanofokehe i te falemai:
 - e fua lava ki te kikilaga a te fōmai

- kafai ko te *CT value* < 35 i te aho 7 pe ko te aho 14, e fakaopoopo ni aho e tolu(7 + 3, +3 etc) ke faka nofo kehe ai
- ii) ko na aho fakaopoopo e tolu, e tatau ke fakamaonia i te PCR kua hē maua i te famai (aho mulimuli) pe lua ia hiakiga fakavave fai hohoko i ni aho e 2 e fakamaonia kua hē maua i te famai, fātoa mafai ke teka ki tua.
- iii) kafai kua i ei he hiakiga PCR e maua kua 40 pe hili atu te *CT value* pe kua hē maua lava te hiama (*negative*) kae ko heki katoa te 14 - 21 aho, kua mafai te tauale ke teka ki tua.
- iv) Kafai e hiaki ite aho 21 koi maua lava te hiama o te famai kae ko te *CT value* e i lalo o te 40 (<40) e toe fakaopoopo ni aho e tolu ke fakanofo kehe ai oi kua toe fai ai he PCR, pe ni RATs hohoko i ni aho e lua ke mautinoa kua hē i ei he hiama

Ma, i hana kikilaga ki he fakatu ke iei he fehoahoaniga ki na pahehe na tuku e faimalaga ki Tokelau i te aho 15 Ianuali kae ona ko te fakamuamua o te paopao ki he tauale hikitia fakafuaheki, ko te Malo Fakaauau na:

- i) **malilie** ke iei he fehoahoaniga tau tupe i te ST\$60 i te aho mo te tino.

2. TAU MO TE TAUTALIGA O NA HĀ MA PUPIUGA MO TE ULUFALE KI TOKELAU

Na **malilie** te Malo Fakaauau ke tolo te matakupu ki tana fonotaga ka hohoko.

3. TONU FAKATATIA A TE MALO O NIUHILA MO LATOU E FAIMALAGA MAI HAINA KI NIUHILA

Na **malilie** te Malo Fakaauau ke tolo te matakupu ona ko te hē auai o te Ulufakatonu o Tokelau.

4. IETAHI MATAKUPU

4.1 Malaga a na Vaka ma te Aho o te Faigapalota Lautele

Na fakaaoga te avanoa e te Minihita o Tautuaga Lagolago, ko ia foki te Pulenuku o Nukunonu, ke talohaga ai ki te Minihita o Femalagaakiga mo hana kikila alofa ke mautinoa ko tagata malaga uma kua lehitala ke palota e mafai ke fakatino he latou filifiliga i te aho kua fakamautu mo te faigapalota.

Ko an filifiliga na kikila lautele kiei e afia ai te fakaope o te vaka ma te tuku ki tua o te aho mo te faigapalota.

I ni talanoaga lautele, na **tuku atu** e te Malo Fakaauau ki te Minihita o Femalagaakiga ke galulue tafapili ma te Mataeke ke fakamautinoa ko te polokalame o na vaka e mafai ai pea he tino kua lehitala ke palota ke fakatino hana palota i he koga kua aloakia mo te faigapalota.

5. FONOTAGA E HOHOKO

E fakailoa i he taimi.

Faututaga mo te Komiti Pulepule o te Koviti

1 KAUTU

Ko te kautu o te pepa e tuku atu ai ni fautuaga e uiga ki ni vaega o na taki mo te puipuiga o te famai ko te Koviti i luga o Tokelau ke matau ma fakaaloakia.

2 FAKAMATALAGA PUKUPUKU

E matau e te mamalu o koulua ko te famai tenei ko te Koviti koi pēhi nei i te lalolagi. Kua i ei he matauga ki te toe agai ki luga o te aofaki o tagata e maua i te hiama i te lalolagi. E atagia te ata tenei i na lipoti a Niuhila. (*28 Tehema 2022, 4,565 tino fou kua maua, I te vaiaho kua teka 32,010 tino fou, ko ki latou kua toe maua I te famai – 9,660*).

Talu te pēhi o te Koviti i atunuku o te lalolagi i te 2019, na fatu ma pāhia aloakia ai e te Mālō o Tokelau tana peleni taki mo te puipuiga o Tokelau mai te Koviti.

I te taimi nei kua lahi na fakamatalaga fou e maua mai i nā hukehukega ma venā te tulaga o te famai. E aofia ai na itukaiga hiama o te Koviti ma o lātou uiga venā ma nā fautuaga ki nā muna e talafeagai mo te puipuiga o te haogalemu o tagata mai na afainaga o te Koviti.

Kua i ei foki lehona na maua mai ki na faiga na tautali ai te famai na pa ki Atafu ke fulifuli fakafetaui ai te puipuiga a Tokelau ki te mafai kua iei o tatou Falemai e tolu.

Kae e iei na vaega e tākua atu i lalo i fakafautuaga ki te fulifuliga o ni vāega o na taki muamua na pahia e te Mālō mo te puipuiga o te atunuku mai te Koviti. Ko nā fulifuliga iēnei kua fautuagia, na fatu āgai ki nā fakamatalaga fou kua maua mai e uiga ki te fāmai, fakatahi ai ma te onoonoga ki te mafai ma te nofo tapena o ki tātou i Tokelau i te tautali kāfai kua i luga o fenua te hiama o te Koviti.

3 KO NĀ HUIGA KUA FAUTUAGIA MO NĀ TAKI I TE PELENI FAKA ATUNUKU MO TE PUIUIGA O TE KOVITI

Ko nā fautuaga iēnei kua tuku atu ma ona fakamalamalamaga mō he koulua mātauga ma he āloakiaga.

- 1. *Huiga ki nā taki i te peleni a Tokelau mō te puipuiga o te Koviti 2019***
 - i. Fakaaogāga o na numela CT mai na hukega fakapitoa o te Koviti i te fale tui toto (PCR)**
 - ii. Hiaki i nā RATs 1 te itulā ko heki hopo ki luga o te vaka venā kafai e hē mafai ke fai ni PCR**

2. Fehoahoaniga mō nā pahehe i Apia e heki mafai ke malaga ona ni māfuāga tatau FAKAMATALAGA MA TE FAKAUIGAGA O NA HUIGA KUA FAUTUAGIA

3.1 *Huiga ki nā taki i loto o te peleni taki a Tokelau mo te puipuiga o te Koviti 2019.*

E mātau kua lahi na fakamatalaga ma nā fautuaga fou kua fautuagia mai ai na pāga ma nā fakalapotopotoga e gafa ma te hukehukega o te Koviti fktg, Fakalapotopotoga o te Ola Malolo a te Lalolagi (WHO), Niuhila mtm.

Fakaaogāga o te numela CT mai nā hukega fakapitoa mo te Koviti i te fale tui toto (Polymerase Chain Reaction - PCR).

I te taimi nei e lua ia auala e fakaaogā e Tokelau ke hiaki ma fakamautinoa ai ho he tino pe maua i te Koviti pe hei. Ko te hiakiga maua vave (Rapid Test – RAT) ma te hiakiga e fai i te fale tui toto (PCR).

Ko te kehekehega o na hiakiga iēnei e lua.

Ko te Hiakiga maua vave (RAT)

- E tuha e 5-minute e fakatino ai oi kua maua te fakamatalaga pe maua ite Koviti pe hei
- Vaganā e lahi te hiama e maua i te tino, e matea lele ai i te hiakiga ko te tino e maua i te koviti (e tuha pe he i ei ni auga e matea ki te tino).

Ko te Hiakiga e fai i te fale tui toto (PCR)

- E mafai ke hilia atu i te itula e fakatino ai te hiakiga tēnei i loto o te fale tui toto.
- E tuha pe ko te ā te lahi o te aofaki o te hiama e i loto o te tino, e taku mai lava i te PCR, ko te tino e maua i te Koviti. E tuha pe hei ni auga e kitea.
- E mafai ke taku mai ite hiakiga tēnei te lahi o te hiama e maua i te tino (*Cycle Threshold - CT Value*) e mafai ai ke mātau te tūlaga fakapokepoke e i ei ite toe faka-pēhi atu o te hiama ki te tahī tino.

I te peleni taki fakatātia nei a te atunuku mo te puipuiga o te Koviti, e tākua mai ai, ko hō he tino e fakamaonia mai i te Hukega tēnei (PCR) e maua i te koviti, e hē malaga mai ki Tokelau.

i) **Fakaaogā te numela CT e maua mai i te PCR**

Ko te lahi o te numela (CT value) ko te taikole tena o te hiama e maua i te tino. Ko te taikole o te numela CT, e taku mai ai te lahi foki o te avanoa ke mafai ai ke pēhi te hiama ki hē tahī tino. Ko te aofaki tēnei pe ko te (CT value) e maua mai i te hiakiga tenei (PCR) kua mafai ke fakaaogā ma taki ke fakatino ai nā tauvuaga a Tokelau.

Mai na fakatalatalanoaga fakafaufautua, kua fakatātia he fautuaga vēnei. Ko te aofaki o te hiama pe ko te CT Value, ka fakaaogā e Tokelau e hē i lalo ifo o te **40**. Ko te aofaki tenei (40 pe hili atu) e taku mai ai kua taikole pe kua heai foki he malohiaga i te aofaki o te hiama tēnei i te tino ke toe faka pēhi atu ai ki he tahī tino.

Pahehe e malaga mai i Apia ki Tokelau

Ko te fautuaga:

- a. ko he pahehe e taku mai i te hiakiga tenei (PCR) e maua i te koviti kae ko te aofaki o te numela (CT value) e taku mai e 40 pe hilia atu (≥ 40), e talia te pahehe tēnei ke malaga mai ki Tokelau
- b. Ko he pahehe e maua i te koviti ma ko te aofaki o tana CT value e i lalo ifo o te 40 (<40), e nofo i Apia mo ni aho 7-14 e fua lava ki te CT value.
 - Ko nā tino e 35 -39 o lātou numela CT, e māfai ke fakatino ni RATs hohoko i ni aho e lua (7-14 aho). Kāfai e negative na RATs hohoko iēnei, e mafai ke malaga mai ki Tokelau.
- c. Kāfai e hiaki te mātua pe ko te mātua tauhi e hē maua i te koviti, e fuafua lava e te kaufaigāluega kui i nā fakafehili (screening) pe tatau ke fai he PCR mo he pepe i lalo ifo o te 5 tauhaga.

Kāfai kua hē mafai ke fakatino te hiakiga i te fale tui toto (PCR), ka fakaaogā te hiakiga maua vave mo te onoonoga o hō he tino kua mautinoa e maua i te koviti.

- a. Ko te aho e fakamaonia ai e maua i te koviti, ko te tauale e faka nofo kehe self-isolate i te kāiga pe ko te koga e nofo ai i Apia mo he 7 -14 (I te onoonoga a te fomai pe ko te kaufaigāluega).
 - E fua lava na hiakiga e te kaufaigāluega ki:
 - ki te numela CT kāfai na mafai ke fai he PCR,
 - te aho na expose ai ki te hiama
 - talāga o nā femalagākiga (kāfai na hau i fafo atu o Samoa)
 - E mafai ke 7 ia aho nofokehe, kae e tatau ke maua ni Hukega RATs e fai hohoko i ni aho e lua pe tolu e hē maua i te hiama. (Fakatakatakiga, kāfai ko te numela CT e 39, hiaki atu i te aho 7 & 8 kua negative, e mafai te tino tenā ke malaga mai ki Tokelau.
- b. Kāfai e hiaki atu koi positive i te aho 7, e toe hiaki i te aho 10 ma te aho 14.
- c. Kāfai e +ve lava e toe fakaopoopo ni aho e tolu ke mautinoa e 2 ia -ve hohoko.

He tauale i Tokelau kua fakamaonia e maua i te Koviti.

Ko te fautuaga:

- a. Ko ki lātou uma e fakamautinoa mai i te hiakiga PCR e maua i te Koviti i luga o Tokelau,
 - kāfai ei te komiuniti, e fakanonofo kehe i na koga fakanonofo kehe fakapitoa:
 - quarantine pe
 - ko te isolation i te falemai e fua lava ki nā auga e manakomia ai he fehoahoani tau te ola mālōlō
 - vaganā ko te CT value o te hiakiga e ≥ 40 , fatoa fakataga ai ke teka kehe mai ite fale fakanofa kehe.
 - Kāfai ei loto lava o te quarantine, e kave ki te isolation i te falemai:
 - e fua lava ki te assessment a te fōmai
- b. Kafai ko:
 - te CT value > 35 i te aho 7 pe ko te aho 14, e fakaopoopo ni aho e tolu(7 + 3, +3 etc) ke faka nofo kehe ai
 - ko na aho fakaopoopo e tolu, e tatau ke -ve PCR (aho mulimuli) pe lua ia hukega -ve RATs fai hohoko i ni aho e 2, fātoa mafai ke teka ki tua.
- c. Kafai kua i ei he hiakiga PCR e maua kua 40 pe hili atu te CT value pe kua -ve foki kae ko heki katoa te 14 - 21 aho, kua mafai te tauale ke teka ki tua.
- d. Kafai e hiaki ite aho 21 e +ve ma ko te CT value e i lalo o te 40 (< 40) e toe fakaopoopo ni aho e tolu ke fakanofa kehe ai oi kua toe fai ai he PCR, pe ni RATs hohoko i ni aho e lua ke mautinoa kua hē i ei he hiama.

ii) Hiaki i nā RATs 1 te itulā ko heki hopo ki luga o te vaka

I te mahina o Novema 2022, na lipoti mai ai na tauale muamua a ki tātou kua maua i te koviti i luga o Atafu – ni tino malaga mai Fakaofo.

I te taimi nei, e heki mafai ke fakatino ni hukehukega ke iloa ai pe ko fea tena ōno hau ai te hiama. Ko te pāhehe foki na malaga fakatahi ma ki lātou mai Apia, ko ō lātou lipoti PCR e hē maua i te hiama.

I te agaaga lā ke toe fakamakeke atili te tulaga o a tatou puipuiga, kua i ei ai he fautuaga ke hui te fakatinoga o te hiakiga maua vave o na pahehe mai Apia ki Tokelau teia nae fakatino 24 itula i mua kae ko heki teka mai te vaka.

Matau nae i ei na hiakiga mo na auga mo pahehe uma e malaga mai ki Tokelau 1 te itula i mua kae ko heki hopo ki luga o te vaka. Ko te hiakiga maua vave tēnei kua fautuagia ke fakatino ite taimi tēnei e hiaki ai iētahi auga o te famai ko te Koviti.

Ko hō he pāhehe/kauvaka e matea e maua ite koviti ite hiakiga tenei (RAT) e taofi i Apia. E hē malaga.

Ko ki lātou iēnei e toe nonofo ma onoono mo he tahi 7-14 aho e fua lava ki nā hiakiga (2 consecutive negative RATs) ma venā ona fakaauau ai o lātou hiakiga maua vave.

4 Fehoahoaniga mō nā pahehe i Apia e heki mafai ke malaga ona ni māfuāga tatau

E veia lava ko faiga e mahani ai ia Tokelau, ko tona paopao e fakamuamua lava ke momoli he tauale hakili togafiti ki Apia. E he mafai ke hui tenei faiga vagana ai kua tu te malae vakalele. Nae heiei ni fehoahoaniga nae maua mo na pahehe e afaina ona ko te huiga o te polokalame vaka mo he tauale.

Ona ai ko he matauga i te taimi tēnei, ki nā puipuiga a te atunuku ki te koviti, kua kitea ai te fakalofa o ona tagata i Apia kāfai e pā ki he taimi o he fakalavelave fakafuaheki, kua fakaopoopo ai ki nā taimi e fakatalitali ai ona ai ko te koviti kua he mafai ai ke fakataunuku nā faigāmalaga ki Tokelau, e vēia ona fakamoemoe ki ei.

Ko ki lātou ei lalo o te hikimi hiki tauale (TPRS) e maua pea o lātou fakamanuiaga tau heleni, ko te kaufaigāluega fakamua a te Mālō ma o lātou kāiga, e maua nā fakamanuiaga kāfai e talafeagai. Kae ko nā kāiga e faimalaga lava ki lātou, ko ki lātou iēnei kua i ei te āfainaga i nā itū tau heleni.

E matau foki ko tagata kua haloto te eva i te va o Tokelau ma Hamoa, kae maihe ki latou e nonofo i fafo. Kae e malamalama ki na puipuiga a Tokealu e toe ulufale mai ai kae maihe kafai e fakamaonia (positive) i te Koviti-19 ma na aho e ōno auhia te 14 e toe nonofo ai.

Kae e matau foki ko te Kapiteni na fakamaonia i te Koviti-19 kua fakalalahi ai te faigata o te vaka ke malaga e veia ona fuafuagia.

Ko te fautuaga, ke i ei ni fehoahoaniga mo nā pahehe lava iēia na afaina i te huiga ke kavatu te tauale:

- e hē i lalo o te TPRS
- e hē ni tino faigāluega a te Mālō e malaga i luga o te gāluega
- he kaufaigāluega a te Mālō, kae e hē malaga i luga o te gāluega

Ko na pahehe na fai malaga mai i fafo o te taki na fakatatia e te Malo i te aho 30 o Novema e he taulia.

Kāfai e talia, ko te fehoahoaniga e taimi tahi mō te pāhehe e heki mafai ke malaga i te malaga a te Mataliki na fakamoemoe i te aho 15 Ianuali 2023 ona ko te tauale. E fakatu atu te rate ST\$60 o te aho mai te tuhi takiala a te Kaufaigaluega Tautua

G. 13 Fepuali 2023

1. FAKAMATALAGA TAU KI TE MALO FAKAAUUAU: KO AI NA HUI, TAKITAKIFONO & TOFI ULU O TOKELAU

Ko te Malo Fakaauau na:

- i) **matau** te pepa fakamaina ki na vaega o te Tulafono Fakavae o Tokelau ma na fakamatalaga i loto;
- ii) **malilie** ke takitakia ma te fakafoega o te fonotaga e te Faipule o Nukunonu, Alapati Tavite, kae ke tolo te matakupu ki te tofi Ulu o Tokelau ke fakatino na tautoga ma na faiga mahani o te fakanofoga;
- iii) **malilie** foki ke toe nofoia he fonotaga ma te Malo Fakaauau i te Aho Falaile, 17 Fepuali 2023 i te 2 i te aoauli ke fakatalanoa ai te fakahoaga o na tofi minihita.

2. KOVITI19: FAUTUAGA

Ko te Malo Fakaauau na:

- i) **pahia** na teuteuga ienei ki na puipuiga a Tokelau:
 - a. Ke hui te 12 tauhaga ki te 18 tauhaga
 - b. Fakaopoopo ki te taki, e lua ia tui puipui mo ki latou kua auhia te 5-17 tauhaga te matutua
 - c. Fakaheai te te lipoti fakamaonia mai te fomai ko te pahehe e heai ni o na aūga o te Koviti.
 - d. Fakaheai te kupu close contact (fakatafapili).
 - e. Toe fakaauau na pahehe malaga mahani a te Fetu o te Moana i te vai fenua

[E fakapipiki atu i te Pepa Fakaopoopo1 te katoaga ona puipuiga i na teuteuga kua takua i lugaj]

3. AHO MO TE FONO FAKAMUA KA HOHOKO

Ko te Malo Fakaauau na:

- i) **matau** I ni fetukunakiga fakahamahamanoa ma te kaufaigaluega a te Ofiha o te Taupulega o Atafu ona ko ia te ka talimalo ki te Fono Fakamua 2023; e foliga mai e ono lava tapena ke talimalo ki te Fono Fakamua ma te Fakanofoga i te vaiaho aho 6 Mati 2023;
- ii) **matau** foki mo he Fono Fakamua i te vaiaho aho 6 Mati, ko na pepa fono e tatau o na maua e na Uhufono i te Aho Gafua, 20 Fepuali 2023 kae ke tauhihia ai te tulafono o te 10 aho i lalo o na Tulafono Fakatonutonu a te Fono Fakamua;
- iii) **malilie** ke fakamautu te aho mo te Fono Fakamua ka hohoko ki te vaiaho o te aho 6 Mati 2023; ma

- iv) **malilie** foki ko te Fono Fakamua e loma nei e o mo na vaega ienei:
- Fakanofoga;
 - Iloiloga o te Paketi 2022/2023; ma i he fakamuamuaga ke tauhihia te tulafono o te 10 aho
 - Ho hetahi matakupu na fakatonugia e te Fono Fakamua ke toe tuku atu ki tana fonotaga "e hohoko".

4. TULAGA KUA IEI AI TE FAKATINOGA O NA IKUGAFONO A TE FONO FAKAMUA

Ko te Malo Fakaauau na:

- matau** te tulaga kua iei ai te fakatinoga o na ikugafono a te Fono Fakamua 2022; ma
- malilie** ke fakamalohia na fakatonu o na mataeke takitahi ke fai ma tuku mai ni fakamatalaga mo he matauga ma he tautukuga fakatahi a te Malo Fakaauau; ma
- fakatonu** te Pule Fakahoa Atunuku ke tuliloa na mataeke takitahi ke fakamautinoa te tapenaga o na matakupu mo te Fono Fakamua e loma nei e tauhihia te tulafono mo te 10 aho.

5. IETAHI MATAKUPU

5.1 *Fakatagaga Fakavaomalo – US Space Agency (NASA)*

Na **matau** e te Malo Fakaauau te fakailoa a te Ulufakatonu kua iei hana fakatagaga kua tuku atu ki te *US Space Agency* ke fakalele ni ana paluni kui luga o Tokelau mo ni hukehukega tau haienihi.

5.2 *Fonotaga a te Komiti Fakafoe o te Teletok*

Ko te Malo Fakaauau na:

- matau** na popolega fakahula o te Ulufakatonu o Tokelau ko heki maua e ia he tautali mai te Komiti Fakafoe ki he tuhi a ia na tuku mai ki te Komiti i he taimi kua teka; ma
- malilie** ke nofoia he fonotaga ma te Komiti Fakafoe o te Teletok ma te Ulufakatonu o Tokelau i he taimi avanoa ka nofoia te Fono Fakamua e loma nei i Atafu.



GOVERNMENT OF TOKELAU
Office of the Council for the Ongoing Government of Tokelau
Ofiha o te Fono a te Malo Fakaauau o Tokelau



Tokelau Apia Liaison Office
Level 1, SNPF Plaza, Beach Road
Telephone: (+685) 20 822/23

PO Box 3298
Apia, Samoa
Facsimile: (+685) 21 761

TULAGA O TE ALAVAKA O TOKELAU
MAI TE AHO 13 FEPUALI 2023

KO AI TE MAFAI MALAGA KI TOKELAU

- Hakiliga malohi i lalo o te Hikimi Tauale ma o latou kaiga kua kilia e te Ola Malolo kua katoa na togafitiga;
- Tagata nofo mau i Tokelau na fai malaga ka ko heki tapunia te alavaka ma na haitia i fafo ona ko na puipuiga mo te Koviti19 ma e heki maua he avanoa ke toe foki mai ai i te toe fakafoki muamua i te 2020;
- Tagata faigaluega fakapitoa taua e afia ai te unumua mo te Koviti-19 ma kua iei he fakatagaga a te Komiti Fakapitoa mo te Koviti i lalo o na vagana;
- Fanau nofo akoga i fafo (i lalo o te Hikimi Hikolahipi pe kui tua) e tukua mai;
- Tagata nuku kua nofo mau i fafo kae ka foki ifo ke nofo i Tokelau mo he mataloa e hē i lalo ifo o te 6 mahina
- Tagata nofo mau i Tokelau na fai malaga ki fafo i te taimi o na hā i te alavaka mo he mafuaga tatau i te onoonoga a te nuku lava ia

MANAKOGA TAU A MO TE ULUFALE KI TOKELAU

Ko na vaega taua e manakomia ke mafai ai he tino ulufale ki Tokelau kua fakaaloakia i te aho 13 Fepuali 2023:

Hiakiga e fai i Apia

- Ko na pahehe e tatau katoa latou tui puipuia o te Koviti-19 e veia ona fautuagia e te WHO – Pfizer ma ietahi.
- Ko te uiga o te katoa o na tui puipuia: 2 ia tui + ma te tui fakaopoopo 1 mo latou kua 18 tauhaga ki luga, kae 2 ia tui puipui mo latou kua 5 – 17 tauhaga te matutua. Ko latou na tui i fafo o Tokelau e tatau ke taukave na pepa fakamaonia kua katoa na tui;
- Ko na pahehe e tatau ona fakamaonia i he pepa fakamaonia e he maua i te Koviti-19 mai tona hiakiga o te PCR i loto o te 48 itula ko heki teka te vaka ma Apia mo Tokelau;
- Ko na Pahehe e tatau kilia te hiakiga o te kaufaigaluega a te Ola Malolo i TALO; ma e afia ai he hiakiga vave (RAT) e fakamaonia e hē maua i te famai i mua o te 1 itula ka ko heki hopo ki luga o te vaka ki Tokelau mai Apia.

Manakoga Fakaopoopo mo Apia

- Ko na pahehe kua fakamaonia i te Koviti-19 i na hiaiga o te PCR i loto o te 48 itula e:
 - CT value ≥40: e mafai ke malaga ki Tokelau kafai kua fakamaliegia ietahi vaega o na puip;uiga;
 - CT value i te va o te 39 – 35 e tatau ke:
 - Nofo kehe i te kaiga pe ko fea lava te fakamalumalu ai mo ni aho e 7;
 - Ke lua (2) ia hiakiga fakavave i te aho 7 ma te aho 8 e fakamaonia kua hē maua i te famai fakatoa mafai ai ke malaga ki Tokelau;
 - Kafai ko te hiaking fakavave i te aho 7 e fakamaonia koi maua i te famai, fakaopoopo ni etahi aho e tolu (3) ma toe fai he hiakiga vave i te aho 10; kafai mai te hiakiga fakavave tena koi maua i te famai, ke toe fakaopoopo ni etahi aho e tolu (3) ma fakaauau ai lava heiloga ke auhia ni hiakiga fakavave e lua hohoko kua hē maua i te famai.
 - CT value <35: e tatau ke auhia ni hiakiga fakavave e lua e fakava i ni aho e 7 (aofaki 14 aho) e hē maua i te famai fatoa mafai ai ke malaga ki Tokelau
- Ko na pahehe kua katoa na hiakiga hohoko e 2 kua kilia e fakaauau oioti te hiakiga vave (RAT) teia e fakatino i na hiakiga a te kaufaigaluega a te Ola Malolo i TALO i mua o te 1 itula ka ko heki hopo ki luga o te vaka ki Tokelau mai Apia.
- Kae, kafai he pahehe e he maua he avanoa ki Tokelau i loto o te 28 aho mai te aho na fakamaonia ai kua maua i te Koviti-19 e toe kamata ona hiakiga veia ko te manaoga i te **Hiakiga e fai i Apia** i luga kamata mai i te hiakiga PCR i loto o te 48 itula.

Manakoga kafai e taunuku mai ki Tokelau

- Ko na pahehe uma e mulimilitaki ki na faahinohonga a te Komiti ote Koviti-19 i luiga o na kauafua mai i luga o na vaka ki gauta ma te fakaauau ki na fale fakanonnofo kehe;
 - Ko na pahehe uma ma na kauvaka o na lanihi e fakanofokehe moni ni aho e 7 (faitau taki 24 itula)
 - Ko na pahehe uma e tatau kilia o latou hiaiga vave (RAT) e 2 mai te aho 6 & 7 ma ietahi manaoga mai te Ola Malolo fatoa tatala ki tua ki kaiga
-

PEPA FAKAPIPIKI 2: Iloiloga ki na Alauni o te Hikimi Hikolahipi

Ikuga

1. I te ata i lalo e kitea ai:
 - Ko te alauni mo te fakamautuga o te nofo akoga (*Establishment*) i Fiji, Samoa, ma Niuhila – ko te alauni a te hikimi a Tokelau e taigole atu i he 26 ki te 48 pahene i lo Fiji, Samoa, ma Niuhila mo na fanau nofo akoga ko heki faia he kaiga
 - Aluni mo te fakamautuga o te nofo akoga mo he fanau kua fai kaiga -
 - Alauni mo te toe fakamautuga o te nofo akoga (*Re-establishment*) – ko te alauni tenei a te hikimi a Tokelau e 47% ma 75% e taigole ai i na levolo a Niuhila / Va ki Fafo mo Fiji, Samoa ma Niuhila
 - Alauni totogi taki lua vaiaho – mo na fanau e heki faia he kaiga, ko te alauni tenei a te hikimi a Tokelau e tutuha ma te levolo a te Va ki Fafo a Niuhila mo Niuhila, e maualuga atu i te levolo a te Va ki Fafo a Niuhila mo Fiji, kae 18% e taigole ai mo Samoa
 - Alauni totogi taki lua vaiaho mo na fanau kua fai kaiga: ko te alauni tenei a te hikimi a Tokelau e maualuga atu i lo te levolo a te Va ki Fafo a Niuhila; mo na fanau kua fai kaiga mo Samoa kae fokotahi te tamaiti e 23% e taigole ai te latou alauni kae 8% e taigole ai mo latou e tokalua pe hilia atu foki ia tamaiti

Ata 1 Fakatuhatuha na Alauni a te Hikimi a Tokelau ki na levolo a te Va ki Fafo a Niuhila

Kehekehega i te va o na levolo a te Va ki Fafo a Niuhila ma na levolo a te Hikimi a Tokelau			
Fenua e Aoga ai	Itukaiga Alauni	Ko heki faia he kaiga. Ko te hikimi a Tokelau e:	Malaga fakatahi ma te kaiga: Ko te hikimi a Tokelau e:
Fiji	Fakamautuga (<i>Establishment</i>)	26% e taigole ai	30% e maualuga ai
	Toe fakamautuga	47% e taigole ai	47% e taigole ai
	Totogi taki lua vaiaho	35% e maualuga ai	22% (1 te tamaiti) ma e 32% e maualuga ai (2+ ia tamaiti)
	Toe opotia (<i>reintegration</i>) ki loto o Tokelau	E heai he alauni venei	E heai he alauni venei
Samoa	Fakamautuga (<i>Establishment</i>)	48% e taigole ai	13% e taigole ai
	Toe fakamautuga	68% e taigole ai	30% e taigole ai
	Totogi taki lua vaiaho	18% e taigole ai	23% (1 te tamaiti) ma e 8% (2+ ia tamaiti) e taigole ai
	Toe opotia (<i>reintegration</i>) ki loto o Tokelau	E heai he alauni venei	E heai he alauni venei
NZ	Fakamautuga	42% e taigole ai	E heai he alauni venei ma te

<i>(Establishment)</i>			Va ki Fafo a Niuhila
	Toe fakamautuga	75% e taigole ai	E heai he alauni venei ma te Va ki Fafo a Niuhila
	Totogi taki lua vaiaho	10% e taigole ai	E heai he alauni venei ma te Va ki Fafo a Niuhila
	Toe opotia <i>(reintegration)</i> ki loto o Tokelau	E heai he alauni venei	E heai he alauni venei

Huiga e manakomia

2. He hiki a tatou alauni mo te hikolahipi ke olotutuha ma na levolo a te Va ki Fafo a Niuhila i he tulaga e manakomia ai mo na fanau hikolahipi nei, ko na huiga ienei e manakomia:
 - γ Niuhila: He hikitaga i te va o te 10 – 17 pahene ki na alauni mo latou e hikolahipi ki Niuhila e aofia ai ni huiga ki na alauni mo te fakamautuga, toe fakamautuga ma te alauni e totogi taki lua vaiaho
 - γ Fiji: He hikitaga i he 26% ki te alauni mo te fakamautuga oioti ona e maualuga atu te levolo o ietahi o a tatou alauni
 - γ Samoa: He hikitaga i te va o te 8 % - 23% mo na alauni o fanau nofo aoga i Samoa ke aofia ai te alauni mo te fakamautuga, toe fakamautuga, ma te alauni e totogi taki lua vaiaho
3. E aofia i te paketi eiei nei te hikitaga e fautuagia.